

Երեւան

11-12

(206-207)
նոյեմբեր-դեկտեմբեր, 2023



Էդվարդ Միլիտոնյանը երրորդ անգամ ընտրվեց Հայաստանի գրողների միության նախագահ

ԵՐԵՎԱՆ, 25 ՆՈՅԵՄԲԵՐԻ, ԱՐՄԵՆՊՐԵՍ: Հայաստանի գրողների միության 20-րդ համագումարի ընթացքում, որը տեղի ունեցավ նոյեմբերի 25-ին, բաց քվեարկությամբ և միաձայն միության նախագահի պաշտոնում վերընտրվեց Էդվարդ Միլիտոնյանը:

«Արմենպրես»-ի հաղորդմամբ՝ Միլիտոնյանը ներկայացված միակ թեկնածուն էր:

Ամփոփելով միության հինգ տարվա ընթացքում կատարած աշխատանքը՝ նա ասաց, որ այն եղել է բազմաբնույթ, ներկայացվել է ինչպես «Գրական թերթ»-ում, այնպես էլ լուսաբանվել է լրատվամիջոցներով: Ամեն վեց ամիսը մեկ ՀԳՄ նախագահը ներկայացրել է կիսամյակային հաշվետվություն, որը բավարար է գնահատվել:

«Գրողների միության ձևավորած գրական մթնոլորտը նպաստել է կազմակերպելու ոչ միայն ավանդական տարատեսակ միջոցառումներ երևանում, մարզերում, սփյուռքում, այլև կյանքի հրամայականով ավելացած նոր

միջոցառումներ:

«Գրական թերթը» մշտապես տպագրում է գրողների կարծիքներ, հոդվածներ, հրապարակախոսական նյութեր, որոնք արտացոլում են ժամանակակից կյանքի հուզող խնդիրները, և յուրաքանչյուր գրող պատասխանատու է իր խղճի և գրչի առջև: Երբեմն կան մարդիկ, որ գրողներից պահանջում են անել այն, ինչ պետական մարմինները, կուսակցությունները, տարատեսակ միավորումները, խմբերը, հարկ է, որ իրենք ծրագրերով իրագործեն: ՀԳՄ նախագահությունը 44-օրյա պատերազմից հետո իր հասարակական պարտքն է համարել արտահայտել հայրենիքի առջև կանգնած խնդիրները, այդ խնդիրների լուծմանը ի պաշտոնն ընտրված, ինչպես նաև ընդդիմադիր գործիչների մասին իր վերաբերմունքը», - շեշտեց նա:

Միլիտոնյանի խոսքով իրենք տարվա ընթացքում տարբեր միջոցառումներ են կազմակերպում: Միլիտոնյանը թվարկեց դրանցից մի քանիսը՝ Գիրք Գլխի տո, Մանկական գրքի շաբաթ, գրողների հոբելյաններ, հանդիպումներ դարոցականների հետ, Թարգմանչաց տոն և այլն:

Ավելի վաղ Էդվարդ Միլիտոնյանը «Գրական թերթ»-ում հրապարակված հարցազրույցում անդրադարձել էր միության հրատարակչական աշխատանքներին ու նշել՝ ՀԳՄ-ն հրատարակել է «Մենք և աշխարհը» շարքից գրքեր, ՀԳՄ նախագահի նախաձեռնությամբ հրատարակվել են «Ֆրանսիայի մոգական ուժը», «Բազմաձայն երկիր Վրաստան», «Ներշնչանքի թռչունը», «Ամերիկյան հեռու և մոտ» գրքերը, հիմնադրվել են տարեկան անթրոպոլոգիաներ, «Պեղեղի» տա-

րեգիրքը, ինչպես նաև «Ծիծեռնակ» հանդեսի հրատարակությունը Միլիտոնյան ընտանիքի կողմից:

Ընթացքի մեջ է 40 տարեկանից բարձր գրողների ստեղծագործությունների անթրոպոլոգիաների նախապատրաստական աշխատանքները «Արմավ» հրատարակչության հետ:

Միությունն օժանդակել է պաշարված Լեռնային Ղարաբաղի գրողների գրքերի հրատարակությանը, աջակցել է «Երբ Արցախը պաշարված էր» գրքի տպագրությանը: 2022 թվականին կազմվել է ժամանակակից գրողների ստեղծագործությունների «Պապ ու տատի թռեմբերը» գիրքը ԼՂ-ի դպրոցների համար:

ՀԳՄ-ն պարբերաբար ձեռնարկել է որպես նվեր գրողների հոբելյաններին (սկսած 60 տարեկանից) «21-րդ դար» գրքերի տպագրություն: ՀԳՄ-ն «Վան Արյան» հրատարակչության հետ համատեղ տպագրել է մոտ 30 գիրք: ՀԳՄ հրատարակչությունը լույս է ընծայել 38 գիրք:

Խոսելով երիտասարդ գրողներին խրախուսելու ուղղությամբ կատարված աշխատանքի մասին՝ միության նախագահը հիշեցրել էր, որ կազմակերպում են «Մինչև 27 տարեկան երիտասարդ ստեղծագործողների մրցանակաբաշխություն»: Երիտասարդները նաև մասնակցում են ՀԳՄ բոլոր մրցանակաբաշխություններին: Ծաղկածորի ստեղծագործական տանն ամեն տարի հոկտեմբերին կազմակերպվել է երիտասարդ գրողների եռօրյա հավաք: «Գրեթերթ» ամբողջությամբ հրատարակում է երիտասարդ գրողներին: Տպագրվում են նաև ՀԳՄ մյուս գրական թերթում ու ամսագրերում: ՀԳՄ

կլոր սրահում երիտասարդները հավաքվում և քննարկում են իրենց հուզող հարցեր:

Անդրադառնալով ապագա ծրագրերին՝ Հայաստանի գրողների միության նախագահը շեշտել էր 2024 թվականից նախատեսվում է 70-ից բարձր տարիքի գրողներին ազատել անդամավճար մուծելուց, ստեղծել տեսահաղորդումների ստուդիա (գրական հաղորդումներ, լրատվություն և այլն), վերականգնվել է «21 դար» մատենաշարը, ամեն տարի տպագրել ժամանակակից պեղեղային տարեգիրք (Էդ.

Միլիտոնյանի և Ավիկ Դերենցի նախաձեռնությամբ), տպագրել «Արծակ դաշտեր» կարճ պատմվածքի անթրոպոլոգիայի երրորդ գիրքը, սահմանել նոր մրցանակներ, անցկացնել գրական պլենար նիստեր, ՀԳՄ մարզային բաժանմունքների համար ձեռք բերել նոր աշխատասենյակներ, նպաստել գրողների ստեղծագործությունների հրատարակման ընդլայնմանը:

Ընթանում է նախապատրաստական աշխատանք՝ ԱՄՆ-ում կազմակերպելու «Գրական մարտ»:



ՀԳՄ Շիրակի մարզային մասնաճյուղի համագործակցությունը մայր կառույցի հետ վերջին 5 տարիներին՝ ընդհանուր ուրվագծմամբ

Ինչպես նախորդ, այնպես էլ հաշվետու 5 տարիների ընթացքում ՀԳՄ Շիրակի մարզային բաժանմունքը կատարել է գրահրատարակչական և գրական-կազմակերպական ծավալուն աշխատանք ՀԳՄ-ի գործուն աջակցությամբ:

Գրական բազմաթիվ ցերեկույթներ, շնորհանդեսներ, գրքերի քննարկումներ, հեղինակների հետ հանդիպումներ անցկացվել են Շիրակի մարզի մշակութային

և ուսումնական տարբեր հաստատություններում: Մենք համագործակցել ենք համագործակցում ենք Գյումրու գեղագիտության ազգային կենտրոնի, Շիրակի մարզային գրադարանի, Գիտությունների ազգային ակադեմիայի Շիրակի հայագիտական հետազոտությունների կենտրոնի, Գյումրու Ավ. Իսահակյանի անվան տուն-թանգարանի, Հովհ. Շիրազի հուշատուն-թանգարանի, «Բեռլին» հյուրերի տան, Շիրվանյան կենտրոնի, Գյումրու «Մենքն ենք» համալսարանի, Ախուրյանի համայնքային գրադարանի, ՇՊՀ-ի քոլեջի, Գյումրու մանկապատանեկան «Ընտանիք» կենտրոնի, Գյումրու բժշկական քոլեջի, Գյումրու կայազորի և այլ կառույցների հետ:

2019, 2021 և 2023 թթ. Գյումրիում է անցկացվել «Արարատ Սկրտումյան» հանրապետական երիտասարդական

գրական մրցանակաբաշխության արդյունքների ամփոփումը, որին մշտապես մասնակցել է ՀԳՄ նախագահ Էդվարդ Միլիտոնյանը/ի դեպ, նրա առաջարկությամբ այս մրցանակաբաշխությունը դարձավ հանրապետական:

Պետական աջակցության դադարեցումից հետո ՀԳՄ նախագահի գործուն աջակցությամբ տպագրվում են նաև շիրակցի գրողների գրքերը, նրանցից շատերի գործերն ընդգրկվել են հրատարակված անթրոպոլոգիաներում և թարգմանական ծրագրերում:

Անշուշտ, ոգևորիչ է գրական նոր սերնդի մասնակցությունը Ծաղկածորի Գրողների տանը կազմակերպվող երիտասարդ գրողների եռօրյա սեմինարներին, որոնք ամփոփվում են մրցանակաբաշխությամբ: Շիրակցի երիտասարդ մասնակիցները մշտապես արժանացել են մրցա-

նակների: Ծաղկածորյան ստեղծագործական տան բացառիկ հնարավորություններից պարբերաբար օգտվում են նաև Շիրակի մարզի ՀԳՄ 18 անդամներից նրանք, ովքեր դիմում են:

Մեր բաժանմունքի պաշտոնաթերթ «Եղեգան փողը» այս տարիների ընթացքում կարողացել է պահել իր ինքնատիպ ձեռագիրն ու պարբերականությունը: Բոլորովին վերջերս ՀԳՄ Շիրակի մարզային բաժանմունքը հանդիսությամբ նշեց պարբերաթերթի 200-րդ համարի լույսընծայումը, որին մասնակցեց ՀԳՄ պատվիրակությունը: ՀԳՄ նախագահի կողմից Շնորհակալագրի արժանացան խմբագրակազմի անդամները:

Տարիների ընթացքում բաժանմունքը պարբերաբար խնդիրներ է ունեցել գրասենյակի հետ կապված: ՀԳՄ նախագահ

Էդվարդ Միլիտոնյանի աշխատանքային հանդիպումները Շիրակի տարբեր մարզպետների և քաղաքապետների հետ կարգավորել են և՛ այս, և՛ այլ հրատապ լուծում պահանջող խնդիրները:

Ամփոփելով՝ ցանկանում են մեր երախտագիտությունը հայտնել բոլոր այն կառույցներին ու անհատներին, որոնք մշտապես եղել են մեր կողքին՝ զորակցելով մեզ՝ ի հաստատումն այն գաղափարի, որ գրականությունն ու մշակույթը մարդկանց կարող են միավորել, որի անհրաժեշտությունը այսօր ավելի քան հրամայական է:

Անդրանիկ ԿԱՐԱՊԵՏՅԱՆ
ՀԳՄ Շիրակի մարզային բաժանմունքի նախագահ

տվեց: Երկուսն էլ ընկան գետնին. դրանից հետո՝ ևս մի պայթյուն. հարվածային ալիքը կտրուկ դիպավ դեմքին, խրամատը ծածկվեց ծխով: Սերժանտի գանգի կեսը ջախջախվեց, ձեռքերն ու ոտքերը կտրված էին: Մարդկանց ծայրերը ոչ մի տեղ չէին լսվում, միայն հեռավորության վրա ինչ-որ տեղ զնդացիները միապաղաղ խփում էին: Ընդամենը մեկ վայրկյան: Թերևս ավելի քիչ: Նրանք խեղձված էին ու այսուհետ արժանի միջավայր: Ամեն ինչ այլևս իմաստ չուներ: Նախկինը գոյություն չուներ: Նա՛ անցյալը, մնաց մեկ այլ հարթության մեջ, որտեղ ամեն ինչ հիշվում է, ասես ծայրերի արծազանք՝ ջրի սյան միջով: Այն ամենը, ինչ տեղի ունեցավ հետո, կապված էր երկուսի հետ: Սերժանտը իրեն կապեց նրա հետ այնքան ամուր, որքան կապանքները կարող էին փորել մարմինը՝ թողնելով արյունոտ հետքեր: Նրանց սպանելն անհնար էր, նույնիսկ եթե դա հանգեցրեց նրանց երկուսի մահվանը:

Գործողություն կատարելիս անորոշությունը ծախողման բանալին է: Անհայտի մեջ մտնելն ավելի սարսափելի է, քան մահվան գնալը, քանի որ կանխավ իմանալով վտանգի մասին՝ ելք կանխորոշելու դրանից խուսափելու: Անակնկալը որոնման ժամանակ չի թողնում:

Այսպիսով, մենք գնացինք առաջ, յուրաքանչյուրս յուրովի ընկալելով հանգամանքները: Բայց մեր մտքերը տարբերվում էին միայն ճիշտագույններով:

Ես անմիջապես արծազանքեցի այս դրվագին՝ նպատակ դնելով և ինքնաբերաբար սեղմելով ձգանը: Ես ինքս մոռնում էի, գոռում զգացմունքների ու հույզների ավելցուկից, բայց իմ լացը խլացրեց մարտական ոռնոցը: Մենք բոլորս կռվել ենք դժոխքի մեջ: Ես վաղուց այնքան չէի վայելում մենամարտը, որքան այս անգամ: Իհարկե, զգացմունքները թունդ էին դառնում նրանով, որ քանի դեռ մենք ողջ էինք, թշնամիներն ավելի ու ավելի էին պակասում: Փամփուշտները սուղում էին ու ճռռում շուրջս՝ փորփրելով խրամատի քարացած կավե պատը: Մոտեցող կրակի ուժգնությունն արագորեն մեծացավ, և ես բնագոյաբար հասկացա՝ ինձ մնացել է ընդամենը մի քանի վայրկյան...

Ինչ-որ բան այն չէ... Տարիների ընթացքում մշակված ներըմբռնողականությունն բղավում էր՝ հորդորելով զգույշ լինել: Ես և ընկերս հայացքներ փոխանակեցինք, նա մի փոքր ծախ էր կանգնած, նրա աչքերում տարակուսամբ կարդացի. նա ևս կարծես զգաց վերահաս վտանգը, բայց չկարողացավ որոշել՝ որտեղից է գալիս:

«Յե՛տ գնա,» բղավեցի՝ արդեն հստակ գիտակցելով, որ ուշացել է: Երկուսս գրեթե միաժամանակ ցատկեցինք խրամաբլիզի մեջ, շարժման մեջ ինչ-որ տեղ լսեցի կարճ պոռթկում: Գլուխս հուսահատ շրջեցի՝ չորսբոլորս՝ չհասկանալով՝ որտեղից են մեզ վրա կրակում: Ինչ-որ մոլուց

կար. կարծես օդն ինքն էր կրակում մեզ վրա: Ես մատս սեղմեցի ձգանին, մինչև որ սկսեց ցավել՝ ինքնաձիգս շարժելով բոլոր ուղղություններով: Չաղթանդամ ընկերս, ուսից բռնած, ընկավ փոսի մեջ: Տեսա արյունը կաթում էր նրա մատների արանքից: Գլուխս այրվել էր, արյունն արագ հեղեղում էր աչքերը՝ թափվելով հոնքերի միջով: Պառկած գետնին, արմունկներին հենվելով՝ սողաց կողքի: Մի բեկոր էլ վիրավորել էր ազդրը, մյուս ոտքն էլ առատորեն թաթախված էր արյամբ: Եվ հետո նորից շատ մոտ՝ համարյա ակամեջիս վերևում, մի կրակոց հնչեց, և նա մեջքով ծանր ընկավ գետնին, ծոծրակով հարվածեց քարին և մնաց անշարժ... Ես լսեցի խեղդված հառաչանք:

Ճյուղերի արանքից ցատկում էր ինչ-որ թռչուն. քամին ցնցում էր, ասես տերևների երակներից բռնած՝ մարդու հոգին էր ցնցվում: Արևը նրբորեն շոյեց դեմքս, բարձրացրի գլուխս և փակեցի աչքերս: Մի թուփ արևը փայլեց՝ կյանք բերող լույսը: Եվ այդ պահին, երբ բացեցի աչքերս, աստղերն անջատեցին, լսվեց ծակող սուլոց թե մոռնոց, կարծես քար ընկավ իմ ջրի մեջ: Կտրելով երկնքի խավարը՝ սպիտակ աղավնին «փամփուշտը», վեր թռավ: Ոտքերս տեղի տվեցին, թշնամու փամփուշտը դիպավ ճակատիս: Արյունը կաթկթեց գետնին, գրեթե ոսկեգույն խոտի վրա՝ չորացած փնջերով: Այտերովս կարմիրը շարունակում էր հոսել, ողողել հողը, բայց ես չէի գգում, ընդարմացած

նայում էի, միայն երբ գրեթե լիովին ուժասպառ եղա, գետնին ընկա: Ծնչառությունս ծանրացավ: Երկար, անլուր հառաչանքը բարձրացավ սրտիցս:

Ինչ-որ բան է մոտենում դեռ անանուն ու անհեղ, որը կփրկի ինձ այս տանջանքից ու ցավից: Դա տևեց մի պահ և նման էր ցավալի, կիսախելագար երջանկության: Եվ ես նորից ցնցվեցի՝ ոտքերս գետնին խրելով, ձեռքիս՝ հրացանը, իսկ մտքումս փամփուշտի պես ներկառուցված կախարհանքը:

Ընկա, պառկեցի փորի վրա, դեմքս թաղեցի չոր հողի մեջ, բայց ինձ համար ցավալի ու անհարմար էր երկար պառկել: Վերևում, կրակի հետք թողնելով, բզզոցով ու սուլոցով հրթիռներ նետվեցին, փամփուշտները կանաչ ու կարմիր սլաքների հետաճով նկարեցին երկնքի պաստառին: Ներքևում ծխի ու արյունի հիվանդագին, հեղձուկ հոտ էր: Այրված հողը դեռ ազահորեն ընկալում էր արյունս: Մի քանի վայրկյան, և կողջունեմ... արդեն դուրեկան դարձող մեծ համգիստը: Իմ դիրքում դա նույնիսկ գաղթակղիչ է, քանի որ ինձ միանգամից կազատի բոլոր տառապանքներից: Բայց մյուսները կապրեն: Նրանք կհաղթեն, կպաշտպանեն այս կանաչ, երջանիկ երկիրը, խորը կշնչեն, կաշխատեն, կսիրեն: Բայց այժմ նրանք նայում են, թե ինչպես է այս ճանապարհին գոհվում վաշտի քսաներկուամյա դիպուկահարը: Արյան հետ բերանիցս դուրս եկան նաև վերջին

խոսքերս, որոնք մի կերպ արտաբերեցի:

Մարմնիս տակի սև գորգը կարմրով ծածկվեց և հանգստացավ. ասես մրսել էր աշնանային գիշերվա զով քամուց, և իմ արյունն էր պետք, որ նրան տաքացներ:


«Ա՛ռ, վերցրո՛ւ արյունս, ամբողջովին քոնճ է:»

Կամ գուցե հողի տակից մի վարդ էր ուզում դուրս գալ, և իմ արյունն էր պետք նրան ջրելու, կյանք պարզելու համար:

«Ա՛ռ, վերցրո՛ւ արյունս, ամբողջովին քոնճ է: Թող արյունս սպեղանի լինի քո վերքին, որ երբ ծարավես, խմես, որքան կամենաս և չկշտանաս:»

Ես ընդամենը քսաներկու տարեկան էի և միանգամայն հավատում էի իմ իսկ անմահությանը: Պարզվեց՝ անմահությունը կարճ է: Մահը գալիս է այնտեղ, որտեղ մոռացվում է, բայց ես հիշում էի նրան:

Անշուշտ, աշնանային օրեր կան այնքան՝ բյուրեղային, որ դրանց թափանցիկությունը սահմանվում է ցավի հետ: Եվ այս օրերին ճառագայթների զարդերն այս ցավը դարձնում են քաղցր, անչափ քաղցր ու սառը, այնքան քաղցրորեն հովացնող, ինչպես սթափությունը երկար, բռնի հարցողությունից հետո: Վերջապես սիրուց արբած կյանքս անցավ, իր մասին երազած աշունն էլ անցավ, և շուտով ծնեռն ինձ կծածկի սպիտակ մշուշով:



ՀԱՐՈՒԹՅՈՒՆ ՍԱՐԳՍՅԱՆ

Զմրուխտյա հեռուն ու լույսն արևի
Զգում են անդուլ ամեն առավոտ:
Դիմացս շղարշ՝ պինդ ու անթափանց,
Ինձ վանդակել են հաղթի կարոտով:

Բայց ես դոփում եմ, դոփում եմ տեղում՝
Խոսքերս անիմաստ, քայլերս անզոր,
Պարտության ցավից տնքում է հոգիս,
Ինչպես ջախջախված մի հեծելագոր:

Ամպը իջավ սարից,
Աչքիս լույսը փակեց,
Աշնանային մի ցավ
Հոգուս խորքում ծաղկեց:

Աշունը սև հագավ,
Չեսն էլ նոր ցավ բերեց,
Երբ թշնամին վայրագ

Հողից մի թիզ պոկեց:

Ցավոք, լռեց Աստված...
Աշխարհն էլ աչք փակեց,
Ցավը՝ մահից դաժան,
Հոգուս դուռը թակեց:

Եռագույնները իջել են բարձունքներից,
Եռաբլուրում շարվել են խոնարհ,
Գունատ են, հոգնած ու լուռ.
Անցել են արյունոտ ճանապարհ:

Եռագույնները վերադարձել են
Ու դարձել հայ կանանց թաշկինակ,
Արյունոտված են, բզկտված,
Կորցրել են խիճուր ու հաղթանակ:

Բոցաշունչ գույները գողացել են,
Թողել են միայն ողբ ու կսկիծ,
Խամրած երանգներից կաթկթում են
Արյուն, արցունք ու թախիծ:

Եռագույնները վերադարձել են.
Բարձր սարերից իջել են վար,
Խոնարհ են, չեն ծածանվում,
Լուռ են, տխուր ու խնկահար:

ԽԵՆԱՐԻ ՔԱՄԻՆ

Այս պաղ քամին, այս խենթ քամին
Ո՞ւր է ուզում ինձ տանել,
Փետուրի պես առել թևին
Ամպերին է ինձ խառնել:

Մեկ քաշում է խորքն անդունդի,
Չետո հանում սարն ի վեր,
Վառվում է հոգուս խորքում,
Խառնում մազերս ալեհեր:

Տանում է ինձ մութն անթափանց,
Մեկ էլ խփում ժայռերին:
Ա՛խ, այս քամին, այս խենթ քամին
Ոսխ սրտիս ցավերին:

Աշուն եկավ, մուսան՝ հետը,
Հորդ անձրևը լցվեց գետը,
Դեղին հագան դաշտեր ու ձոր,
Դեղնեց հոգուս արահետը:

Մշուշ, եղյան իջան սրտիս,
Զեռքս առա թուղթ ու գրիչ,
Աչքիս եկավ մարտ ու կռիվ,
Պատերազմը այն ավերիչ:

Նորից մայրս եկավ այցի,
Չեքիաթ պատմեց ինձ մանկական,
Հայրս եկավ խստաբարո՝
Խրատներով ավանդական:

Քնած սիրտս զարթնեց նորից,
Այցի եկավ մուսաս ծարավ,
Կըռ-կըռ կանչով հեռանում են
Կռունկները դեպի հարավ:

ՏԱՎՈՒ ՄՆԱՑ

Մի ցավոտ լուր քամու հետ
Եկավ մտավ իմ այգին,
Իրար խառնեց ծառ ու թուփ,
Նստեց վարդի թերթերին:

Կռիվ տվեց տանս մոտ,
Սողաց դռան արանքից,
Մտավ սիրտը իմ կարոտ,
Զխնայեց նաև ինձ:

Կպավ հոգուս լարերին,
Հոգիս քնից արթնացավ,
Ցավը թողած սրտիս մեջ
Քամին անցավ, հեռացավ:

ՄԻ ՊԱՅ

Օրը մթնեց. մթության մեջ
Քեզ հիշեցի ես մի պահ՝
Որտե՞ղ ես դու, ի՞նչ ես անում,
Ո՞ւմ գրկում ես դու հիմա:
Սերս պոկիր, ցավը մնաց,
Ծով կարոտով թողեցիր,
Լույսը տարար, մութը մնաց,

Վերջին հույսս էլ մարեցիր:
Կամաց-կամաց օրը ցրտեց,
Պաղ գիշերն է մոտենում.
Քանի գնում, քանի մթնում,
Ավելի են կարոտում:

Վաղուց արդեն կեսգիշեր է,
Երկինքն արդեն լուսնկա:
Իմ կարոտի տառապանքին
Մութն ու ստվերս են վկա:
Մեղմ փչում է զարման քամին,
Աստղիկներն են պսպղում,
Ամեն ընկնող աստղի մեջ
Իմ կորած սերն են փնտրում:
Բայց դու վաղուց ես հեռացել,
Դու էլ չկաս, չես էլ գա,
Այսօրվանից ատում են քեզ,
Թեկուզ կոչես սրիկա:

Փորձում ես անթել
Ու քոռ ասեղով
Կարկատել սրտիս՝
Քո իսկ պարզած
Սպինները ծեր
Ու մեմունում ես
Ինչ-որ մի հին երգ:

Ձուր են քայլերդ,
Սուտ ու ապարդյուն,
Կանգ առ, սիրելիս.
Ամեն ծակելուց
Հալումեաշ սրտիս
Դու հավելում ես
Եվս մի նոր վերք:

ՄՐՏԻՍ ՔԱՐԸ

Տարիներ առաջ մի ապառաժ քար
Եկավ թաքնվեց իմ սրտի խորքում
Ու ամեն անգամ, երբ գլորվում էր,
Սրտիս ցավերն էր սիրով բորբոքում:

Սիրում էի նրան, պահում, գուր-
գուրում,
Նա էլ իմ սրտին վահան էր դարձել,
Գիշտ է, մաշվել էր բյուր հարված-
ներից,

Բայց ես նրանից դեռ չէի ձանձրացել:

Շատ ծանր էր քարը՝ բազալտից
ամուր,
Ինձ հետ քնում էր, ինձ հետ արթ-
նանում,
Թե խնջույթ լիներ կամ թե՛ մեռա-
մարտ,
Ես սիրով նրան ինձ հետ էի տա-
նում:

Ես էլ քարի պես ամուր էի դարձել
Ու դիմանում էի ամեն հարվածի,
Մենք միասին էինք ցավ ու խիճուր
կիսում,
Երգերս էլ գիտեր նա բերանացի:

Բայց աշնան մի օր էլ չդիմացավ.
/Հորդ հարված էր, ուղիղ թիկուն-
քից/,
Քարս մանրացավ ու դարձավ մո-
խիր,
Երբ մի քար պոկվեց իմ հայրենի-
քից:

ՄԻՇՏ ՊԱՏՐԱՍ

Խրամատում լռություն է.
Թշնամին է սողում առաջ,
Ինքնաձիգը ամուր պահիր,
Զգոն, ուշիմ, զինվոր իմ քաջ,
Եղիր խիզախ, անվախ, արի,
Որ այս կռվին շուտ դենք վերջ:
Աչքը կարոտ քո ճամփեքին
Քեզ է սպասում քո մայրը խեղճ,
Քեզ են սպասում սիրած աղջիկ,
Քո տան շենը հայրենական,
Պատրաստ պահիր կամք,
ինքնաձիգ,
Հույս ու հավատ, փամփուշտ,
սկան,
Առյուծ դարձիր մարտի դաշտում,
Թե հարկ լինի, կյանքը էլ տուր,
Հողդ սիրիր քո մոր նման,
Մի՛ թող մնա երբեք թափուր:
Մի՛ թող խնդա նեղգ թշնամին,
Պատրաստ եղիր դու միշտ
մարտի,
Որ պայքարը մեր փառապանծ
Հաղթանակով միշտ ավարտվի:



«ՀԱՅՏՆԱԲԵՐԵԼ ՏՈՂԸ ՑԱՎԻ ՆՄԱՆ...»

Արա Գևորգյան, Մեր քանդված եկեղեցիներին, «Հարյուր արցունքաթել Անուշիկիս»/

«Մեռնաբույր բալիկներին, որ գնացին ու հետ չեկան...»: Արա Գևորգյան

Արա Գևորգյանի «Մեր քանդված եկեղեցիներին» ժողովածուն տպագրվել է 2002 թվականին: Գիրքը ծաղկաբաղ է և ընթերցողին ներկայանում է ներքին բաժանումներով՝ շարքերով: Մեր անդրադարձը դրանցից միայն մեկին է՝ «Հարյուր արցունքաթել Անուշիկիս» խորագրով նվիրված հեղինակի դատերը, որ 1988-ի երկրաշարժի անմեղ զոհերից է:

Եթե որոշ բանաստեղծություններ թվագրված չլինեին, ապա անտարակույս կարելի էր շարքը մեկ ամբողջություն պոետի համարել՝ ցավի, հուսահատության, հույզերի ու ապրումների, իրականի ու ողբերգականի մի խառնարան, որտեղ իրապես իշխողը ցավն է, կորստի՝ բնավ հաշտեցում չհանդուրժող ցավը:

Գրողը տարիներ անց էլ չի կարողանում հաշտվել գավակի կորստյան՝ անհավանական թվացող մտքի հետ, որ մարդկայնորեն ճշմարիտ է, և ապրումի ու ցավի գրականությունը գալիս է միայն որպես փրկության սարսուռ: Ձգայուն տողեր են, ասես ձոն դատեր կյանքի բոլոր բեկումնային իրադարձություններին: «Երազումս քեզ հարսնացու դարձնեմ», - դիմում է նա դատերը, կամ՝ «Մանուկներն են լալիս իրենց բախտի համար», - տող, որ գուցե ամենից ավելի է ընդհանրական և ամենից ավելի է բնորոշ

այդ օրերին: Իրականության ու ողբերգության համաձուլվ՝ սարսափելիորեն խոսում՝ անձնական ու անանձնական ողբերգությունն է:

Եջերը նաև համապատկերլուսանկարներով են՝ կրկին այդ օրերից մնացած և այլևս միայն այդպես մնացած՝ աղետին հաջորդող մարդահամարից առաջ:

Ընդհանրապես՝ հեղինակի խոհերը գնում են դեպի երկինք՝ թե՛ ուղղակի, թե՛ անուղղակիորեն ակամա կապվելով վիրավոր եկեղեցու հետ: Սա նաև ինքնահատուկ աղոթք է առ երկինք և առ մանկան անմեղ-անմարմին հոգին: «Ձյուն է գալիս, իսկ սահմակը Անուշիկիս // Փակված է խուլ ներքնահարկում», - նորոնջում է բանաստեղծը:

Իսկ հետո. «...Սատանայի քնծիծաղ է հայելիս», - գրողը անգոր է նաև հայացք նետելու սեփական վշտի աչքերին: Միով բանիվ՝ սա որդեկորույս հոր ծովացած ցավի երգն է: Եվ իհարկե՝ գագաթը ցավի՝ մերթ իր լինելուց շատ է անաչում, մերթ էլ՝ զարմանում է, որ ապրել է ուզում:

Այա խորին հուսահատությունն է իջնում, որ դեռ երկար տարիներ անց էլ չի փորձում հավաքել փեշերը, և կրկին խոսքը միայն անձնական ցավի մասին չէ. մեծ վիշտը սահուն հագնում է քաղաքի հանդերձը, և ծավալվելով խորանում են իրական տեսիլները՝ դառնալով ընդհանրական: «...Եկեղեցին... // Պատառտված վերքը բացված // Կարծես իրեշ լինի հսկա // Եվ քնծիծաղ աստծու հանդես»:

Թվում է՝ սեփական երկատված հոգու բացահայտումն է նաև գրքում. հեղինակը մերթ մաքուր հավատացյալ է, այնքան, որ սրբացած գավակին միայն «աստվածային» մակդիրներով է կոչում, մերթ էլ՝ որպես բողոք ծառանում է Վերինի դեմ, իբրև բողոք՝ սեփական ցավի ու ճակատագրի համար, որ միայն իրենը չէր:

Ուշագրավ է առկա հակադրամիասնությունը, որ առաջին հերթին հոսում է բնական հունին գուգահեռ՝ մի կողմից՝ կյանքը շարունակվում է, մյուս կողմից, ինչպես երևակում է հեղինակը, բոլոր որդեկորույս մայրերի աչքերում

հանդարտ բարակող արցունքաթելեր են և ուրիշ ոչինչ...

...Ապա մեծ ցավի վրա ծորում է մի սիրուն հեքիաթ՝ փոքրիկ, ծվարած գյուղական մի կյանքի, մի եղբայրիկի և այլևս լուսանկար մնացած քրոջ մասին: Հովվերգական պատկերները միախուսվում են իրական-ողբերգականին, և անենը երազ է թվում, որ պիտի զարթոնող լույսի հետ չբանա-անանա՝ վերադարձի հարությունը պարզակետով բոլոր գնացածներին՝ նրանց հավերժ սպասողների անսփոփ տառապանքին ի տրիտուր:

Կարինե ՄԱՐՏԻՐՈՍՅԱՆ Բան. գիտ. թեկնածու, դոցենտ

*** Թող աղոթեն... Լույսը մոմի Հին դարերի շունչն է մաքուր, Ինչ-որ մեկը՝ ինձ անծանոթ, Եկել է ու սիրտս է թակում... Թող աղոթեն... Լույսը մոմի Ցավերս է խոր անոթելու, Ինչ-որ մեկը՝ ինձ մոտ կանգնած, Եկել է, տես, ինձ փրկելու... Թող աղոթեն... Լույսը մոմի Աննկատ է միշտ էլ մարում, Աղոթքը խիղճն է մարդկային, Որ իրեն չի ծափահարում...

*** Աստվածային տերևաթափ՝ Աշունն է եկել, Մոլեգնում է սիրտս անհաշտ, Հոգիս է լռել: Մերը՝ դարձել իրիկնահաց, Մերվել է իմ մեջ, Շողջողում են աստղերը տաք՝ Աշունն է եկել: Կարծես ծառ են ես պարտեզում, Դեղնել են սիրուց, Պարտիզային տերևներից Խարույկ է դիզում, Բոցկլտում է կրակն անհագ Իմ հեզ պարտեզում, Տերևաթափն աստվածային Խարույկն է լիզում:

*** Գիշերն արդեն եկավ, Պարզություն է թորում Գույներով իր սառած... Եվ աստղերը թելկապ Երկինքն են օրորում Ծուրջպարի մեջ առած... Տիեզերքը անդեմ Սավառնում է վստահ Եվ ստանում անուն:

*** Մութ խավարն էլ արդեն Տանիքներին նստած Դեքիաթներ է մանում:

Որ սիրում է միշտ հանգչել մի խաղաղ օրինաբանությամբ՝

Լուս տասափյունի խորհուրդի ներքո: Կա մի երազանք և վերին թախիծ Այդ հանգիստ և պարզ տերևաթափի անդորրության մեջ... ...Աչքերս փակած... զգում են արդեն Ինչպես առաջին փաթիլները ծյան հալչում են դանդաղ իմ ափի մեջ բաց: Եվ վերջանում է խոր առասպելը իմ աշնանային:

*** Նախնիներից մաքուր Բանաստեղծի ոգին են վերցրի թաքուն և տողեր են մոգում... Հրդեհներից ծնվեց պարսը իմ տողերի և հողմերից ծագեց ներշնչանքը բերրի: Օ՛, իմ Մշո երգեր՝ պապերիս տաղարան, տատասկների փշեր, հուշերի քավարան... Գաղթի ճամփին երկար անտեր և անդարման «Քելե՛, լաոն» երգեց պապս անօթևան...

*** Նախնիներից մաքուր Իմ տողերն են սերվել, ես տողեր են մոգում, որ Մուշից են բերվել... Գիշերն արդեն եկավ, Պարզություն է թորում Գույներով իր սառած... Եվ աստղերը թելկապ Երկինքն են օրորում Ծուրջպարի մեջ առած... Տիեզերքը անդեմ Սավառնում է վստահ Եվ ստանում անուն:

*** Մութ խավարն էլ արդեն Տանիքներին նստած Դեքիաթներ է մանում:

*** Հանգիստ մենակություն փողոցներում մթին, մեղմություն է նստել նուրբ երազի այտին:

*** Հոսող ջուրը կարծես ժամանակ է մանում, խավարի մեջ սահուն կորցրել են հասցես:

*** Հեռուները՝ դառնում անորսալի լեզենդ, հեքիաթի մեջ շքեղ լուսինն է թև առնում:

*** Հանգիստ մենակություն փողոցներում մթին, մեղմություն է նստել նուրբ երազի այտին:

*** Իմ մեռնող հավատ, դու ե՛րբ ես այսքան Հուսահատություն և ցավ ճաշակել, Եվ երբ են խղճիդ վրա քանդակել

*** Անտարբերություն, անհեթեթություն և տարակուսանք... Եթե մեռնում ես, ո՞վ կհասցնի քեզ կենդանի ջուր, Որպեսզի մորից դեմքը ցլալանա ժպիտով մաքուր... Իմ մեռնող հավատ, վեր կաց մոր նման Եվ թաքուն օրհնիր զավակիդ ճամփան...

*** Եվ մորից ես դու տխուր Հեռուներում անդարման, Սիրտդ կամուրջ է դարձել, Սիրտդ դարձել է սահման:

*** Կուզենայի քեզ տեսնել Մայրամուտի մշուշում, Քամին կտուրն է թառել, Քամին արցունք է հուշում:

*** Կուզենայի քեզ տեսնել Երազիս մեջ թափանցող, Արցունքներդ՝ մրսած ցող, Հողին տաք սերմ են դարձել:

ՀԳՄ ՆԱԽԱԳԱՀԻ ԱՇԽԱՏԱՆ-ՔԱՅԻՆ ԱՅՅԸ ԳՅՈՒՄԻՐԻ

Նոյեմբերի 8-ին ՀԳՄ պատվիրակությունը ՀԳՄ նախագահ Էդվարդ Միլիտոնյանի գլխավորությամբ հանդիպեց Գյումրի համայնքի ղեկավար Վարդգես Սամսոնյանի հետ: Հանդիպմանը ներկա էին Գյումրի



համայնքի ղեկավարի գլխավոր խորհրդական Հայկ Սուլթանյանը, Հայաստանի գրողների միության Հիրակի մարզային մասնաճյուղի նախագահ Անդրանիկ Կարապետյանը:

Վարդգես Սամսոնյանն իր խոսքում կարևորեց գրողների միության աշխատանքը Հանրապետության ողջ տարածքում, մասնավորապես՝ ընդգծեց կառույցի աշխատանքը Գյումրիում: Համայնքապետը պատրաստակամություն հայտնեց հետագա

համագործակցության և ունեցած հնարավորությունների շրջանակներում դարձյալ աջակցություն ցուցաբերելու մասին:

Էդվարդ Միլիտոնյանը շնորհակալություն հայտնեց Վ. Սամսոնյանին ընդունելության համար, խոսեց Գյումրու մշակութային ու գրական կյանքի մասին, առանձնացրեց Գյումրու համայնքապետարանի հետ մինչ այս իրականացված ծրագրերը, ՀԳՄի աշխատանքներում գյումրեցի գրողների ներառվածությունը, ապա անդրադարձավ համայնքապետարանի հետ շարունակական համագործակցությանը:

Այնուհետ էլ Միլիտոնյանը աշխատանքային հանդիպում ունեցավ ՀԳՄ Հիրակի մարզային բաժանմունքը ներկայացնող ՀԳՄ անդամների հետ: Քննարկվեցին գրական, ստեղծագործական և կազմակերպական հարցեր առաջիկա ծրագրերի և գրահրատարակչության (գրական անթոլոգիաներում ստեղծագործություններ ներկայացնելու) վերաբերյալ:

Էդվարդ Միլիտոնյանը պատասխանեց շիրակցի գրողներին հուզող հարցերին և հորդորեց նրանց ակտիվորեն մասնակցել

տարեվերջյան գրական մրցանակաբաշխություններին:

ՀԱՆԴԻՊՈՒՄ ԳՐՈՂՆԵՐԻ ՀԵՏ



Օրերս Գյումրու տնտեսագիտական վարժարանի գրասեր աշակերտներն այցելեցին Հայաստանի գրողների միություն Հիրակի բաժանմունք՝ ծանոթանալու ժամանակակից գրողների հետ: Հանդիպումը ճանաչողական-ուսուցողական էր, անշուշտ նաև՝ մոտիվացնող, քանի որ անմիջական շփումը գրողների՝ Անդրանիկ Կարապետյանի, Շնորհիկ Շահինյանի, Լուսինե Աղաջանյանի և արցախցի բանաստեղծ Ռոբերտ Եսայանի հետ, նրանց ոգևորող խոսքը լսելը, ստեղծագործությունների ընթերցումն ու վերլուծությունը լավագույնս կարող են ազդել մոր սերնդի և՛ լեզվամտածողության, և՛ գեղագիտական ճաշակի

ծավորման վրա: Ըստ էության՝ վարժարանի ուսուցչուհի Անժելա Մանուկյանին այսօրինակ հանդիպումների կազմակերպման առումով ևս հաջողվում է կոչմանը հավատարիմ մնալ:

Առհասարակ գրական բաժանմունքի աշխատանքները հետաքրքրում են ոչ միայն ուսանողներին, այլև դպրոցահասակ ընթերցողներին:

Ուշագրավ էր նաև Գյումրու թիվ 23 դպրոցի աշակերտների հանդիպումը բանաստեղծ Անդրանիկ Կարապետյանի հետ, որը գեղարվեստական մոտեցմամբ պատասխանեց նրանց հուզող հարցերին, ապա դպրոցի գրահարանին նվիրեց իր «Գլուխկոտրուկներ» գիրքը և «Եղեգան փող» թերթի համարներից:

Դեկտեմբերի 13-ին Հիրակի մարզային գրադարանում տեղի ունեցավ հանդիպում Տիգրան Նիկողոսյանի հետ: Հանդիպմանը ներկա էին Հիրակի մարզային բաժանմունքի մի խումբ գրողներ, մասնակցում էին վարժարանի սաներ, Գյումրու բժշկական

քոլեջի և Մենեջմենթի համալսարանի ուսանողներ:

Տիգրան Նիկողոսյանը Հայաստանի վաստակավոր լրագրող է, իրապարակախոս, գրող: Գեղարքունիք աշխարհի հյուրին ողջունեց Հիրակի մարզային գրադարանի տնօրեն Գևորգ Ամիրյանը, այնուհետև լրագրող գրողին ներկայացրեց բանաստեղծ, ՀԳՄ Հիրակի մարզային բաժանմունքի նախագահ Անդրանիկ Կարապետյանը:

Տիգրան Նիկողոսյանը գրահարանին գրքեր նվիրեց, այնուհետև պատմեց իր լրագրողական գործունեության, ստեղծագործական ձեռքբերումների մասին, խոսեց իր կյանքում տեղի ունեցած հետաքրքիր հանդիպումներից ու դիպվածներից: Հիրակի մարզային գրադարանի փոխտնօրեն Գեղեցիկ Գևորգյանը ընդգծեց ընթերցող-գրող նմանօրինակ փոխհարաբերության կարևորությունը:

Հանդիպումն անցավ երկխոսության և մտքերի փոխանակման անախադեպ ջերմ մթնոլորտում:

Նույն ՆԻԿՈՂՈՍՅԱՆ

ԱՐՎԵՍՏԻ ԻՄԱՍՆ ՈՒ ԱՐՎԵՍՏԱԳԵՏԻ ԱՌՔԵԼՈՒԹՅՈՒՆԸ



ԿԱՐԻՆԵ ՄԱՐՏԻՐՈՍՅԱՆ - Զարգարծան պարոն Զովհան-նիսյան, կարծում եմ՝ ամենահին էլ պատահական չէ, որ ձեզ հետ ծանոթանում եմ Ձեր իսկ արարած գրականության միջոցով: Զավատացնում եմ այս գործում առաջնային դերը թե՛ իմ, թե՛ Ձեր մասնագիտական ուղղվածությունն է: Եվ կարելի է, պարզապես, ձևով հարցազրույցը սահունորեն վերածել գրույցի՝ ավելի անմիջական ու ավելի գեղարվեստական: Իսկ հատկապես Ձեր «Վերջին պատվիրանը» մղում է բացահայտելու շատ ու շատ բաներ՝ վեպը հայտնաբերելով մեր օրերի իրականության և պարզ, և՛ անբացատրելի էջերին: Ուստի և առաջին հարցս. «Ի՞նչ է կատարվում»:



ԳԱԳԻԿ ԶՈՎՅԱՆՆԻՍՅԱՆ - Մարդկությունը բնական կենսատիրության իրեն տեղափոխել է կործանարար տարածք, պատկերավոր ասած՝ բանականության տիրույթից արատների տարածք: Փլուզվում է այն արժեհամակարգը, որն արդեն ի գործում էր ապահովելու մարդկության առաջընթացը: Կարելի է արծաճագրել, որ այդ ընթացքը կանգ է առել: Այդ դադարը կարող է հանգեցնել տնտեսական, մշակութային, բարոյական քաոսի և դառնավարքաբանական ագրեսիայի սանձազերծման պատճառ, ինչն էլ հենց կատարվում է վեպում: Այսինքն՝ աշխարհը կանգնած է գլոբալ փոփոխությունների անհրաժեշտության փաստի առաջ և աննկատ դառնում է անկառավարելի: Տեսեք, թե ինչ տեղի ունեցավ Արցախի հետ. դա քաղաքակրթական խայտառակություն էր: Քաղաքակրթական ոճրագործություն: Մեծ անարդարություն: Ու ոչ ոք ծպտուն չհանեց: Խայտառակության ու ոճրագործության մասնատույզ օրինակներով լցված է այսօր աշխարհը: Այո՛, հասունացել է, Բեռնարդ Շոուի բնութագրմամբ, այս «կասկածելի քաղաքակրթության» վերաիմաստավորման, վերաարժևորման պահը: Ընդհանրապես, անցումային կղզվոր շրջանը բոլոր ժամանակներում առանձնացել է որպես անասնական կրթերի սանձա-

զերծման, անարդարությունների, այլևայլ արատների արմատավորման, իրավական կատարյալ միմիկիզմի հաստատման ժամանակաշրջան: Ու այն շարունակվում է: Այս իմաստով, «Վերջին պատվիրանը» վեպի գործողությունները կարող էին տեղի ունենալ աշխարհի ցանկացած երկրում, ցանկացած ժողովրդի հետ:

Կ.Մ. - «Ամեն մարդ արդարության չափման իր մետրը ունի»,- Ձեր խոսքերն են: Ասացեք, իսկ ո՞րն է Ձեր մետրը. ի՞նչ է արդարությունը, նաև ազատությունը, որպես գաղափար ու արժեք Ձեր արժեհամակարգում:

Գ.Գ. - Արդարությունը բանականության կատարյալ ձևն է, չափման Աստվածային միավոր, կյանքի շարժումը կառավարելու անփոխարինելի գործիք, որովհետև, եթե այդ շարժումը անարդարությամբ է կառավարվում, կյանքը, պարզապես, կանգ է առնում կամ վերածվում է քաոսի ու ապականության: Մարդը, անտեսելով Աստվածայինը, ստեղծել է չափման իր միավորը, անարդարության գնահատման իրեն հարմար արդյունք ստանալու համար: «Երանի մրանց, որ հալածվում են արդարության համար, որովհետև նրանցն է երկնքի արքայությունը»: Ասվածաշնչյան այս հակիրճ ձևակերպումը հրաշալիորեն ցույց է տալիս արդարության կարևորությունը մարդկության գոյության գործում կենցաղից մինչև քաղաքակրթություն ու ավելի բարձր հարաբերությունների ոլորտ: Շատ մեծեր են անդրադարձել արդարությանը իրենց թե՛ գիտական, թե՛ գեղարվեստական գործերում: «Այն մարդը, որ ամեն առթիվ կպահաջե արդարություն սա մեր ծուռ աշխարհին մեջ, այդ մարդը վտանգավոր մեկն է և նաև, տեսակետով մը՝ պաշտելի», - ասում է Շահնուրը: «Օրենքն ասում է՝ արդար դատե...», - ընդվզում է Սալթ-Նովան: Զոռմեացի պատմիչ Տակիտոսը գրում է. «Պետությունը կարելի է պահել երկու բանով՝ արհուրությամբ՝ պատերազմում, և արդարությամբ՝ խաղաղ ժամանակ»: Երկու հազար տարի առաջ ձևակերպված այս մարգարեությունը վերահաստատվեց նաև մեր օրերում: Արցախյան առաջին պատերազմում մեր ժողովուրդը տվեց արհուրության այնքան օրինակ, որ կբավարարեր մեկ միլիարդ բնակչության ունեցող երկրի: Սակայն խաղաղ ժամանակ նույն այդ ժողովուրդը հանդիպեց հրեշավոր անարդարության, ինչն էլ երկրորդ պատերազմում հանգեցրեց դաժան պարտության: Այնպես որ, առանց արդարության, քաղաքակրթությունը դատապարտված է ոչնչացման: Որովհետև քաղաքակրթության պահպանման ամենակարևոր պայմանն արդարությունն է: Արդարությունն ինձ համար կենսակերպ է, ազատությունը՝ վիճակ: Անարդարը չի կարող ազատ լինել, որովհետև անարդար արարքը անարդարություն գործողին զրկում է ազատությունից: Ազատությունը շատերի համար կրթերին (կենցաղայինից մինչև քաղաքական ու ասանական) հագուրդ տալու հնարավորություն է, փոքրամասնության համար դրանք զսպելու կարողություն:

Կ.Մ. - Կամա թե սկանա են պետք է Ձեր գրականությանն անդ-

րադառնամ: Որտե՞ղ է Ձեզ համար ավարտվում իրականությունը, և ապա՝ որտեղի՞ց է սկիզբ առնում գրողի երևակայությունը: Ինչպե՞ս է Ձեզ հաջողվում ընթերցողին պարզապես գամել գրքին՝ մեկ շնչով ամեն ինչ հիմնալու անհագ ցանկությամբ տոչորելով: Դուք կյանքում էլ լավ պատմող եք:

Գ.Գ. - Իրականությունն ինձ համար ավարտվում է հենց այն ժամանակ, երբ սկսում եմ գրել: Իմ նպատակը երբեք չի եղել իրականությունը ներկայացնելը: Դա անելու համար պարտադիր չէ գրող լինել, թեև հազարավոր այդպիսի գրքեր կան ու էլի գրվում են: Այն իրականությունը, որի մեջ ապրում է մարդը, կեղծ իրականություն է, ավելի ճիշտ կլինի ասել՝ ամենօրյա օգտագործման իրականություն: Ապրելու իրականությունը դրանից դուրս է: Գոգոլ, Կաֆկա, Աստուրիաս, Մարկես, Կամյու և էլի շատ մեծեր ձգտել են հենց այդ իրականությունը բացահայտել ու վերադարձնել մարդուն: Դա չպետք է շփոթել ֆանտազիայի, ֆանտաստիկայի կամ ֆանտաստագրիայի հետ: Ամենաթվարը, որը տարիների աշխատանք է պահանջում, ստեղծագործության նպատակի ձևակերպումն է, այդ նպատակի իրականացումը պայմանավորող դրվագների ճշտումը, ուսումնասիրումն ու հիմնավորումը, կառուցվածքի ձևավորումն ու հարցադրման հստակեցումը: Դրան հաջողում է կենտրոնացումը, որն ինձ դուրս է բերում այս իրականությունից ու տեղափոխում բոլորովին այլ հարթություն: Այստեղ միանում է ավտոպիլոտի ռեժիմը, ու այդ պահից, կարելի է ասել, ես դադարում եմ գրել: Ես սկսում եմ գրի առնել: Գրի առնել այն, ինչը տեսնում ու լսում եմ կերպարների շարժումը, նրանց խոսակցությունը, տեղը, ժամանակը, եղանակը, բախումներն ու դրանց հանգուցալուծումը: Գրանցում եմ նոր կերպարների հայտնվելը, որոնք, ընդհանրապես, նախատեսված չէին: Այսինքն, նկարագրում եմ այն իրականությունը, որում ապրում ու գործում են հերոսները: Այդ իրականությունը շատ նման է այս իրականությանը, բայց և շատ տարբեր է: Տարբեր իր փիլիսոփայությամբ, մտածողությամբ նոր որակով, հարաբերությունների անսովորությամբ, ամեն ինչի նկատմամբ վերաբերմունքի այլ մակարդակով: Դա բերում է նոր արտահայտչամիջոցներ, նոր գեղագիտություն, նոր ռիթմ՝ փոխելով գեղարվեստի մասին ունեցած մեր պատկերացումները: Ահա սա է նոր իրականությունը, որը պայմանականորեն կոչում ենք երևակայական:

Գիրքը հետաքրքիր դարձնում են մի շարք հանգամանքներ. թեմա, դրվագների ճշգրիտ դասավորություն, բախումների մոտիվացիա, հերոսների ոչ ստանդարտ վարքաբանություն և այլ միջոցներ: Սակայն գլխավորը նոր իրականության ու դրան աղեկվատ գրական տեխնիկայի հանդիպումն է:

Զգիտեմ, կյանքում լավ եմ պատմում, թե չէ, բայց եթե 2000 տարի առաջ ծնված լինեի, հավանաբար, պատմիչ կդառնայի:

ԿԱՐԻՆԵ ՄԱՐՏԻՐՈՍՅԱՆԻ ԶՐՈՒՅՑԸ

ԳԱԳԻԿ ԶՈՎՅԱՆՆԻՍՅԱՆԻ ԴԵՏ ԶՈՐԵԼՅԱՆԱԿԱՆ 70-ԱՍՅԱԿԻՆ

Նկատմամբ վերաբերմունքի դրսևորումն ընկալելու համար: Ուրեմն ո՞նչ կարող եք ասել և արդյոք կարող եք ասել ընդհանրապես:

Գ.Գ. - Ատում եմ «ատելություն» բառը: Ու Աստված այս դեպքում էլ է բարեհաճ գտնվել իմ նկատմամբ: Իմ ամբողջ կյանքում, նույնիսկ մեկ ակնթաթ մեծ զգացում չեմ ունեցել: Բայց ես գիտեմ, թե դա ինչ ավերիչ բան է: Ատելությունը սպանում է ատողին բարոյապես:

Կ.Մ. - «Կարևորը, որ արվեստի գործը մարդուն ստիպի մտածել: Դա է արվեստի իմաստն ու արվեստագետի առաքելությունը...», - առաջարկում եմ փոքր-ինչ ծավալվել այս մեկնակետով:

Գ.Գ. - Ընդհանրապես ընդունված է ցանկացած ստեղծագործություն, անկախ ժանրից, գնահատել դրանում առկա կամ դրա հարուցած հույզի աստիճանով: Դա մոլորություն է: Որքան մեծ է հույզի կուտակումը ստեղծագործության մեջ, այնքան պակաս արժեքավոր է տվյալ գործը: Իսկական արվեստը մաքուր բանականության հետևանք է: Երբ մարդը առնչվում է դրան, կարող է, եթե վեպ է կամ բանաստեղծություն, դիտում է, եթե կտավ է կամ ֆիլմ, բանականության էներգիան փոխանցվում է նրան ու ստիպում մտածել: Մտածել՝ հենց տեսածի մասին: Այսինքն՝ տվյալ ստեղծագործությունը տեղավորվում է մարդու մեջ ու սկսում է աշխատել: Դա հրաշք է: Մի անգամ ընկերներիցս մեկը պատմեց, թե ինչպես էր հանդիսատեսը արտասվում ներկայացման ժամանակ: Ես պատկերացրի, թե ինչպես է մեկը, Պիկասոյի կտավի առաջ կանգնած, հոնգուր-հոնգուր լաց լինում: Դա ավելի է: Երբ նայում եմ Փարաջանովի «Նռան գույնը», ես չեմ հուզվում: Ինձ փոխանցվում է մի անսովոր էներգիա կամ ավելի ճիշտ կլինի ասել՝ լույս, որը կլանում է իմ ներսի խավարն ու ստիպում ավելի պայծառ, ավելի կատարյալ տեսնել աշխարհը: Որովհետև բանականությունն ինքը կատարելությունն է:

Կ.Մ. - Ի՞նչ է տառապանքը, երջանկությունը, ապա ապրելու ցանկությունն առեղծվածը՝ ըստ Ձեզ:

Գ.Գ. - Կյանքը թմրանյութ է: Բավական է մի անգամ փորձես, այսինքն՝ ծնվես, այլևս չես ուզում բաժանվել: Դա սովորական կախվածություն է, որը, սովորաբար, դրսևորվում է կենցաղային տիրույթում, ասենք՝ կախվածություն մարդուց, առարկայից, նյութից, սովորույթից և այսպես շարունակ: Ու դրանց փոփոխությունը կամ բացակայությունը, շփոթեցնում է, ցավեցնում, տառապեցնում: Սակայն ապրելու ցանկության առեղծվածը այս կախվածությամբ չի պայմանավորված: Ավելի շատ պայմանավորված է աշխարհի մասին ինֆորմացիայի ընդհատման մտքի առաջացրած խուճապով և այն մտայնությամբ, որ մարդը չի պատկերացնում աշխարհի առանց իրեն: Իսկ տառապանքը մեր պատասխանատվությունն է մեզ շրջապատող աշխարհի համար: Եվ որքան մեծ է պատասխանատվությունը, այնքան ավելի մեծ է տառապանքը: Եթե նրան նայենք գոյության անատոմիայի տեսանկյունից, կտեսնենք, որ այն մեր կյանքի

կարկան է, որի վրա հավաքված է մեր լինելությունը: Այլ խոսքով՝ դա բանականության շարժն է: Չկա բանականություն, չկա ոչինչ: Տառապանքից չպետք է վախենալ:

Ես չգիտեմ՝ ինչ է երջանկությունը: Այդ բառը իմ մեջ ոչ մի ռեակցիա չի առաջացնում, որովհետև ես չեմ պատկերացնում, թե դա ինչ վիճակ է: Շատերն այն փորձում են ներկայացնել որպես սեր, ուրախություն, ուրիշները՝ հոգեկան անդորր կամ բավարարվածություն: Դա ինձ չի համոզում: Եթե երջանկությունը ենթադրում է ինչ - որ գերագույն մի բան, ապա դա ապրելն է: Ու որոնել այն ապրելուց դուրս, արտուրդ է: Ես դա չեմ հասկանում ու կարծում եմ՝ ոչ մի կենդանի արարած դրա մասին չի մտածում, բացի մարդուց: Որովհետև, բացի մարդուց, դա ոչ մեկին պետք չէ:

Կ.Մ. - Ինչպե՞ս կներկայանաք Ձեզ չճանաչող ընթերցողին. Կարող եք արդյոք տալ ամբողջական բնութագրող Ձեր կերպարի՞ բոլոր տեսանկյուններից՝ որպես մարդ, որպես մասնագետ, որպես գրող: Ասել է՝ ճանաչող՝ եք ինքներդ Ձեզ, և արդյոք ինքնաճանաչման որոշակի աստիճանը տվե՞ց Ձեզ վստահություն՝ հեղինակելու գրքեր, այն էլ այս տրամաշափերի:

Գ.Գ. - Դա ավելի լավ կանեն իմ հերոսները: Ինձ ճանաչելու մասին մտածելու ժամանակ երբեք չեմ ունեցել: Ու միշտ միևնույնն է եղել ինձ համար, թե ով ինչպես կճանաչի ինձ կամ ընդհանրապես կճանաչի, թե՛ ոչ: Միշտ ուզեցել եմ ապրել բոլորի մեջ՝ հասկանալով, որ դա միակ կոմպրոմիսն է, որին կարող եմ գնալ հանգիստ ապրելու համար, սակայն, որին այդպես էլ չկարողացա գնալ: Այն արժեքները, որոնցով ապրում էր մեծամասնությունը, նողկալի էր: Դա իմը չէր: Ինձ կատարյալ հուսահատության են հասցրել անարդարությունը, ընչաքաղցությունը, միապաղաղությունը, անշարժությունը, լճացումը: Ու կատարյալ հաճույք է պատճառել դրանց դեմ պայքարելը, մարդկանց օգնելը: Բայց դա թանկ հաճույք է: Գրելը նույնպես մարդկանց օգնելու միջոց է եղել ինձ համար: Գրել, այսինքն, ասել ինձ համար, որոնք մարդիկ իմանալու ժամանակ կամ հնարավորություն չունեն: Զուշել, նախագուշացնել, նախապատրաստել նրանց ինչ - որ շատ կարևոր մի բանի: Իսկ «Արքաների ընտանիքը», «Վերջին պատվիրանը» գրքերի ստեղծման շարժառիթը խորը տագնապն էր հայրց ապագայի համար: Ու այդ տագնապը կարծես թե այնքան էլ անիրական չէր:

Կ.Մ. - Կա՞ր արդյոք այնպիսի հարց, որի մասին կցանկանայիք խոսել, բայց մենք չըջանցեցինք: Կամ որպես ամփոփում...

Գ.Գ. - Մենք գրուցեցինք ու, կարծում եմ, այն ստացվեց: Որպես ամփոփում, կասեմ՝ շնորհակալություն հաճելի գրուցակցության համար:

Կ.Մ. - Շնորհակալություն:

Գ.Գ. - Մենք գրուցեցինք ու, կարծում եմ, այն ստացվեց: Որպես ամփոփում, կասեմ՝ շնորհակալություն հաճելի գրուցակցության համար:

ՖԱԻԶԱ ԽԱԼԻՍՈՎԱ (ՉԵԿՈՎԱ, Գրող)

ԲԵԿՈՐԸ

Այսօր մայրիկիս տարեդարձն է, և մենք՝ նրա գավակները, որոշել ենք փոքրիկ տոն կազմակերպել: Կհավաքվենք, կխոսենք, մի կուշտ հաց կուտենք, իսկ նա կհիշի մեր մանկական չարածճիւղախոսքերը, կծիծաղենք, իսկ հետո կլռենք միասին...

Հայրս վաղուց չկա... Մայրս սիրում է հոնի տնական հյութ, իսկ ես՝ ոչ: Այդ կարմիր ըմպելիքի տեսքից անցյալի հիշողությունները հառնում ու օծի նման խեղդում են, խեղդում, խեղդում...

Մոխրագույն քողով պատված երկինք, ամպերի փոխարեն ծխի թանձր քուլաներ են՝ այրվող տներից ալիք-ալիք վեր սողացող: Երկնային հավաքարարի պես քամին կամացուկ ավլում է շուրջը, միայն թե՛ ժամանակավոր է դա:

Պարզապես «երկաթե ազնավները» հոգնել են, որոշել են ընդմիջել, լիցքավորվել, որպեսզի ավելի ուժգին թափով հարվածեն և անպայման շատ դիպուկ, հանկարծ թիրախներից չվրիպեն: Նրանք թևերը գերտաքացել են...

Մի քանի աման պահածո, և «երկաթե թռչուններին ուղղորդողները» կրկին պատրաստ կլինեն բարից չարից մաղել:

Կարևոր չէ՝ ինչու այսպես եղավ, և ով է մեղավոր... Այստեղ լոկ մեկ ճշմարտություն կա՝ տառապանքը: Մեկ իրողություն կա միայն՝ մահը: Գարուն, ամառ, աշուն թե՛ ձմեռ, հարուստ են կամ աղքատ, ծեր են թե՛ ջախել, կին են թե՛ տղամարդ. ոչինչ և ոչ ոք էական չէ: Մարդիկ բաժանվում են միայն մեռածների, ողջերի ու մեռնելը գերադասողների:

Լռությունը... ահա մեզ ուրախացնող միակ բանը: Որովհետև հնարավորություն է տալիս դուրս սողալու նկուղից, շնչել օդը, թեկուզ ծխի հոտով ներծծված, լցված ճիչերով, ողբով ու գունավոր աղոթքներով, սակայն օդը... լիաթոք զգալ ու շունչ քաշել: Այժմ սակայն լռության մեջ ինչ-որ չարագուշակ բան էլ կա, ինչ-որ դավադիր բան սարսափեցնող «անբնական...» Գաղտնիք մութ ուժերի գոյությունն զգալիս. երբ նրանք լռում են կարծատև համազարկերից հետո, ուրեմն հրե մետերով ավելի խիտ կրակոցներ են

տեղալու, հիմա էլ «հաուսիցներ» են մահ սփռելու:

Մենք նախանձում ենք խաղաղ չվող թռչուններին, ու նրանց, որոնք հեռացան այս աշխարհից: Հրաշքի ենք սպասում: Եվ դեռ մինչև վերջ չենք հավատում, որ «դու ինձ, իսկ ես՝ քեզ»-ը իրականում տեղի է ունենում: Միամիտները կարծում են՝ երազ է, եթե ոչ, ուրեմն հաստատ աշխարհի վերջն է:

Վեց հոգով ենք. ելել ենք հոգիների ընդհատակյա ապաստարանից: Խոհանոցում փոքր սեղանի շուրջ խմբված՝ մի քանի բառ փոխանակելուց հետո ուտում ենք խաշած կարտոֆիլ՝ մեր նախաճաշը, ճաշն ու ընթրիքը: Երկու մեծահասակ ու չորս փոքրիկ մարդուկներ... Ստատ են՝ ամեն մեկն իր խոհերի հետ: Ամենափոքրը դեռ խոսել չի կարողանում: Հիմա գիտեն հաստատ, որ թմբկիկ մանչուկի առաջին բառը լինելու է «բում»-ը: Նա կարտասանի այդ բառը, հենց տեսնի տան մոտով անցնող իրասայլը: Իսկ ինչի՞ մասին է խորհում այս փոքրիկ եակը. անհայտ է: Այս իրավիճակում ամենաերջանիկն է նա. չի բաժանում մարդկանց լավ ու վատի, զինվորականի ու քաղաքացիականի, բոլորին հավատում է, իսկ երկար ու խիտ թարթիչներով երիզված դարչնեղջերու աչուկները լի են լույսով: Նայում են փոքրիկին ու գիտակցում. մենք բոլորս այս մանչուկի հետ մի հարցում հիմա շատ ենք նման՝ անպաշտպան ու անօգնական ենք...

Ասում են՝ մարդն ութ հնարավորություն ունի մահից խուսափելու: Մի՞թե մենք արդեն սպառել ենք կյանքի սահմանված չափը: Վիրավորական ու ցավոտ է հեռանալ ոմանց անհա՞ «ախորժակի» պատճառով:

Մինչ մենք ուտում ենք կարտոֆիլի մնացորդները, մինչ հավաքում ենք մնացորդները նրանց, որոնք միառժամանակ առջը մարդ էին կոչվում, մինչ նրանք թաղում ենք հապտատա ու դեռ չենք էլ հասցրել տապանաքար դնել, մինչ մենք պառկած ենք փլատակների տակ... ինչ-որ մեկը հանգիստ հաց է ուտում ու տեսնում մեզ հեռուստացույցով, նրա համար մենք ուղղակի տիկնիկներ ենք, ընդամենը հանգամանքների զուգահեռում ու պատեհ զոհեր: Մենք պարզապես վիճակագրություն ենք: Մի՞թե ճիշտ է, որ համուն «հզոր» շահերի, մեր երկրում ոչինչ ու ոչ մեկին չեն խնայում, չեն խղճում: Մի՞նչ որդիների մայրերը լալիս են, ինչ-

որ մարդիկ կերտում են իրենց գավակների ապագան: Իսկ մենք մեռնում ենք, իսկ մենք նկուղում համրում ենք միմյանց...

Մեզմիջ ոմանք անխուսափելիորեն մնում են դրսում՝ դառնալով Պիկասոյի նկարների կերպարները անֆալտին: Սպանվածների հոգիները երկար ժամանակ դեռ մնում են ու չեն հեռանում. չեն գիտակցում, որ էլ չկան: Գիշերը՝ ուղիղ տասներկուսին, ոտնաձայներ են լսվում: Նրանք շրջափակվում են մեզ ու պահանջում, որ բացենք ապաստարանի դռները: Իսկ լուսաբացին հալվում են վաղորդյան մշուշի պես: Գուցե ամենակին էլ հոգիներ չեն, այլ ոգիներ: Չգիտեն:

Մենք վեց հոգի ենք: Դեռևս վեց հոգով ենք: Այնքան ուրախ ենք, որ արկերն ու դիպուկահարները վրիպել են, ու մենք չենք մնացել կարմիր ջրափոսերում պառկած: Այնպե՛ս տհաճ է հոգու վրա ծանրանում մեր այդ ուրախությունը: Ուստի լուռ ուտում ենք կարտոֆիլն ու խմում քաղցր թեյը: Չգու՞ն ենք ամեն ունայր, փորձում որքան հնարավոր է՝ երկար ընթրիքներ քաղցր համը, բայց չենք հասցնում խմել մինչև վերջ: Մի կուշտ ընդմիջած «սահմանադրական կարգի պահպանները» նորից սկսում են մեզ վրա հուրուկրակ թափել:

Դեռ ենք փախչում նկուղ: Եթե արկը չընկնի ուղիղ մեզ վրա, եթե նմանակներ չնետեն, եթե ականով չպայթեցնեն, գուցեև ողջ մնանք: Կարճ ճանապարհն այնքան երկար է թվում, ոտքերս էլ՝ անչափ կարճ. չէ՞ որ պետք է հասցնենք ճողոպտել նախքան պատերի փլվելը: Բայց ես հետ են ընկնում, քայլերս դառնալուց մոտ քարանու են՝ ինձնից հեռացող հարազատներիս մայրերը: Վերջ, ես համոզվում եմ: Հոգնել եմ փախչելուց, վախենալուց, թաքնվելուց էլ եմ հոգնել:

Ես պատրաստ եմ, սպանել ինձ, ես այստե՛ս էլ եմ, գոռում եմ շնչահեղձ լինելով: Նկուղի դուռը շրխկոցով փակվում է: Հարևան տնից պայթում է ճռնչոց, ծուխ, բեկորները ցաքուցրիվ են լինում: Չգու՞ն եմ մի սուր ցավ ձախ կողմում՝ հենց սրտիս մոտ. դիպել է ինձ: Ինչ արած՝ արդեն մեկ է, կարևորը մարմնիս բոլոր մասերը տեղում են. ինձ գերեզման կղմեն ամբողջական: Սեղմում եմ ծածկոցը, որ վերցրել էի փախչելիս: Կանգնած եմ փողոցի մեջտեղում ու նայում եմ երկինք: Չէ, ես չեմ հարցնում երկնավորներիս, թե ինչու են դեռ տասնչորս չբոլորած այսպես հեռանում. ես ախր

այդպես էլ չեմ ասել ոչ մեկին մի այսպիսի հասարակ արտահայտություն. «Գիտե՛ս, դու էլ ես ինձ դուր գալիս»: Իմ բախտն ավելի շատ բերեց փաստորեն, քան այն խեղճուկրակինը, որ վառվում է հիմա ինձնից քիչ հեռու: Շուտով մոխրի կվերածվի, քամին այն կտարածի քաղաքով, ինչ-որ մեկի բերանում կհայտնվի, ու ջղախի կթքեն նրան: Արդյունքում կհայտնվի անհետ կորածների ցուցակում:

«Ազնավները» կատարում են մեր քաղաքն ավերող վերջին հնարքները: Բետոնե պատի տակից աղաղակներ ու տնքոցներ են լսվում: Հանկարծ ինչ-որ ձեռքեր գրկում ու նկուղ են իջեցնում ինձ: Իմ ծնողն է: Հայրս ինչ-որ բան է հարցնում, բայց ես չեմ լսում: Միայն պինդ սեղմում եմ ծածկոցն ու նայում ինձ հարազատ մարդկանց:

«Չէ, ոչ մեկը ոչինչ չի իմանա. ես կմեռնեմ լուռ ու հպարտ, ինչպես մեզմիջ շատերը... առանց տրտնջոցի, անարցունքի: Եվ արդյո՞ք արժեք ունի իմ կյանքը», մտածում եմ:

Դեմքս սիրթնած է, ձեռքերս թուլացած, զգում եմ, որ երկար չեմ դիմանա. ալ հեղուկը կհորդի վերքից, կբացահայտի գաղտնիքս:

Վերջին թույլերս դիմում եմ Աստծուն, խնդրում եմ փրկել մնացողների հոգիները, և նրանց, որ վաղուց էլ չեն շնչում, նրանց, որոնք ինչ-որ բան գոնե կարող են փոխել այս աշխարհում ու ստիպել, որ մտափոխվեն պատերազմի հրահրողները: Ամեն նյարդը, բջիջներիս ամեն ատոմը, մանրադիտակային անոթը, խալը, ամեն ինչ գործի է դրված: Հոգևոր մոլեգնումի պահ է: Ժամանակն ասես կանգ է առել, նկուղի ձայները լռել են, մարդիկ քարացել: Եվ նրանք, որ լալիս են, ու նրանք, որ Բարձրյալին են աղոթում՝ ձեռքերը վեր պարզած, և գլուխները կախ իրենց ծնողներից սեղմվածներն էլ՝ «բոլորը ինձ համար «սեղմում քարացիր» խաղի հերոսներ են: Վախ, հոգնածություն, տառապանք են տեսնում նրանց դեմքերին: Իսկ իմ հոգում խառնվել են զգացմունքների իրարամերժ երանգները. անտարբերություն, սրտացավություն, խղճահարություն, հպարտություն, համակերպում, կյանքի տենչ, կյանքից հրաժարում, ցավ... Դեմքիս ու մարմնիս մկանները լարվել են մաշկը ձգելով: Դժվար եմ շնչում: Ասե Տիեզերքում պայթյուն է եղել, մի ճիչ է արձակվել գիտակցությանս ամենահեռավոր խոր-

քերից, հոգուս տիեզերական ընդարձակ տարածություններից: Բաց են թողնում կանաչ ծածկոցը: Սրտիս ցավը միանգամից մեղմանում է: Տեսնեմ՝ վերքը չկա. արդյոք եղե՞լ է երբևէ՝ հայտնի չէ:

Մի՞թե հասարակ ինքնաներշնչանքն ինձ հասցրեց այս վիճակին: Խնձորայնը համազոր մի անգուսպ ուրախություն ինձ համակեց այս մտքից: Քարացած մարդիկ կենդանացան, ու մեզ վրա նորից սկսեցին կրակել: Ու կրկին լսվեցին ճիչեր, լաց, բարձրաձայն աղոթքներ...

Իսկ ես շարունակում եմ ծիծաղել: Մայրս հարցրեց՝ ամեն ինչ կարգի՞ն է, ես պատասխանեցի՝ այո՝ շարունակելով ծիծաղել: Երբ խաղաղվեցի, կարմիր կակաչներով ծածկոցը թաքցրի փայտե արկղում, որը մեզ համար սեղան էր: Դեմքս համազուտություն ու երանություն էր արտացոլում:

Այն գիշեր մեզմիջ ոչ մեկը չգոհվեց: Իսկ մահը շարունակում էր անհազ խրախճանքով թափառել մեր կողմերում դեռ էլի ու էլի...

Հապառայ հուղարկավորած զոհերի գերեզմանաթմբերին ծաղիկներ են աճում: Հիմա շենքեր են բարձրանում, մեծանում են ուրիշ երեխաներ, ուրիշ մարդիկ, և տարիքս արդեն քառորդ դարն անց է: Սակայն բեկորը ժամանակ առ ժամանակ զգացնել է տալիս. սիրտս նվվում է գիշերներն ի լույս: Հիշողությանս մեջ այն օրերի իրադարձություններն են շարվել: Ես գոռում եմ.

«Չէ, չէ, պետք չէ, խնդրո՞ւմ եմ, էլ չեմ ուզում այս ամենը տեսնել:


Փակում եմ ականջներս, ամուր սեղմում կոպերս, միևնույնն է՝ լսում եմ ծանոթ ձայները նրանց, որ այն քառուստ հեռացան աշխարհից: Տեսնում եմ՝ ինչպես են նրանք վազում, փախչում, ընկնում, մասնատվում, նորից վազում...

Ու տանջում են ինձ հարցերը, և այսպես նորից ու նորից, մինչև քունը հարթում է ինձ ու դատարկված, տառապանքներից հոգնած՝ միջուկում եմ արցունքներից խոնավ բարձիք:

Բժիշկները չեն կարողանա օգնել: Նրանք չեն օգնի: Նրանք չեն հասկանա: Սա գիտենք միայն ես ու դու՝ գետնի տակ սպառածներս. իմ սրտում բեկոր կա...

Նյութի աղբյուրը՝ «Պատերազմի արվեստը» ավանախ

Թարգմանությունը՝ ռուսերեն բնագրից՝ Մարինա Գեվորգյանի



Նոր գիրք, նոր թարգմանություն, Ուիլքի Քոլինգ «Լուսնաքարը»

Ուիլքի Քոլինգը (1824–1889) վիկտորիանական դարաշրջանի լավագույն գրողներից է: Թեև դեռևս փոքր տարիքում հիմնադրի հա-

մարվում է էդգար Ալան Պոն, բայց Ուիլքի Քոլինգի «Լուսնաքարը» վեպը դեռևս փոքր ժանրի առաջին մեծածավալ ու հաջողված գործն է, որը սահմանել է այդ ժանրի հիմնական սկզբունքները:

«Լուսնաքարը» վեպում առաջին անգամ ներկայացվել են մի շարք տարրեր, որոնք հետագայում դարձան 20-րդ դարի դեռևս փոքր պատմության բնորոշ դասական հատկանիշները: Դրանք են՝ կողոպուտ, քննիչ, դետեկտիվ հարցաքննություններ, մեծ թվով կասկածյալներ, մի խոսքով՝ ողջ ոստիկանական ընթացակարգը:

Վեպը հետաքրքրական է նաև կառուցվածքային առումով, որտեղ կորած գոհարի հետ առնչություն ունեցող անձինք գրավոր տեսքով վկայություն են տալիս այն օրերի մասին, երբ Լուսնաքարն առեղծվածային կերպով անհետացել է: Վիկտորիանական

ժամանակաշրջանի գրականության մեջ պատմիկ նման ձևը ևս կարելի է առանձնահատուկ համարել: Թեև գիրքը հաստատվոր է, բայց տարբեր պատմողներն ու անընդհատ լարվածության մեջ պահող սյուժեն կստիպեն չկտրվել գրքից:

Հատկանշական է խոսել նաև թարգմանության մասին: Թեև վեպը առաջին անգամ չի դրվում ընթերցանության սեղանին, սակայն նոր թարգմանությունը բնագրից է, մինչդեռ նախկինում թարգմանվել է միջնորդ լեզվից՝ ռուսերենից: Թարգմանությունների համեմատական ուսումնասիրությունը ցույց է տվել, որ նախկինում եղել են բազմաթիվ բացթողումներ, և նույնիսկ բացակայել են ամբողջական պարբերություններ ու գլուխներ: Սովետական գրաքննությունը բաց է թողել խոհափիլիսոփայական, անհատ ձևավորող և կրոնական գրեթե

բոլոր հնարավոր հատվածները: Նոր թարգմանությունը ներառում է այդ բոլոր բացթողումներն ու գերծ է ամեն տեսակի ռուսաբանություններից: Վեպը անգլերենից թարգմանվել է Արմինե Մուրադյանը: «Պատերազմի անսպասելի հանգամանքները նրան դարձրել են աշխարհի ամենամեծ աղանդներից մեկի տերը, և նա հիմքեր ունի կասկածելու, որ ոչ ինքը, ոչ էլ իր թանկարժեք գոհարը երկրագնդի ոչ մի անկույնում, ոչ մի տան մեջ պահվել չեն լինի, եթե այդ քարը մնա իր մոտ: Այս օրհասական հանգամանքներից ելնելով՝ նա որոշել է իր աղանդին ի պահ տալ մեկ ուրիշի: Այդ մարդուն ոչ մի վտանգ չի սպառնա: Նա կարող է այդ թանկարժեք քարը հանձնել հատուկ պահպանության և առանձին հսկողության տակ գտնվող գամձատուն, օրինակ բանկիրի կամ ոսկերչի մոտ, որ-

տեղ պահվել է թանկարժեք իրեր պահելը: Նա առանձնապես ոչ մի պատասխանատվություն չի կրելու, միայն ամեն տարի կամ ամսամբ, կամ վստահելի ներկայացուցչի միջոցով, նախապես պայմանավորված հասցեով, նախապես պայմանավորված օրերին ստանալու է գնդապետի նամակը պարզ ծանուցումով, որ ինքը դեռ ողջ է: Իսկ այն դեպքում, եթե պայմանավորված օրը նամակ չստանա, գնդապետի լռությունը կարող է ընկալվել իբրև նշան, որ նա հաստատ սպանվել է: Միայն ու միայն այդ պարագայում պետք է աղանդնի հետ պահվող կնքված փաստաթղթերը բացվեն և ուղղակիորեն կատարվեն բոլոր պահանջները, որոնք վերաբերում են աղանդնի տնօրինմանը:

Հատված Ուիլքի Քոլինգի «Լուսնաքարը» վեպից

ԻՆՔԼԱՄԵՆՏԱԿԱՆ ԿՇԻՌՆԵՐՈՒՄ ԱՆՆԱՅՏԻ (պոեմ)

Ակնթարթն է ազատագրվում որպես զոհասեղան

1. Գրել ժամանակի էջում, նույնն է, թե գրել վիրակապի վրա, գրել ճանապարհի շնչառության մեջ՝ հատուկեմտ լավող քայլերում անցորդի, գրել երկնքի անձրևային հայացքում՝ թռիչքով թռչունի: Ճանապարհի ոգուց պոկում են մի փետուր և մակագրում Անհայտի էջերի վրա:

2. Ես քայլում եմ սովերի վրայով քառսի, հետքերիս վրա բացվում են վիհերը: Ես պատվում եմ փետուրներով արծազանքի: Անորոշության բիբերը կտցահարող թռչուններ են վայրկյանները: Իմ մեջ արթնանում է հիշողության կղզին: Ոռնացող հուշերս օրորվում են ցցերին կակիծի:

Իմ հետքը դառնում է ոգու սովից արթնացող աներևույթ կյանք, ժամանակի պատանդ:

Անհայտության սյուններն ի վեր ծառս է լինում լույսը՝ հիշողության ծիծ: Եվ ծառի ճյուղը ծաղկած երազ է ասեղնագործում վայրկյանների քարե հայացքի վրա: Սովերս մի աղբյուր է, որից ելնող ուրվակայանները ծարավի հուշարձաններ են: Պատմության մեկուսարանը: Մի ձեռք պատուհան է նկարում հույսի ճերմակ կավիճով: Պատերազմող երկրի սահմանները բողբոջում են ցավի մեջ. զինվորի խիղճը՝ լույսի զոհասեղան: Ոգու հատիկներ է կտցում ճանապարհը: Իմ ձգտումն ինձ կուլ է տալիս հայացքի ներքո Բարձրյալի:

*** Գրիչս ոչ թե գրում, այլ բացում է հետքը առասպելի: Շուրթերիս մոխիրներում պեծկլտում է երկինքը բառերի: Հավատս թոթափում է իրենից թարթիչները սովորության: Պատահողմի երկինք: Երազների աներևույթ հողմը փլուզում է աշտարակը գաղափարի: Եվ աստղեր են ծնվում աներևույթ Գոյի հորիզոններում:

3. Աղոթքներիս անապատում վազվզում է երկինքը մանկության: Լռության փոթորիկ: Հացը գլորվում է եզրով անդունդի, որպես լույս, տիեզերական պատարագ: Արցունքներիս մեմալության ծովում ծողփում է տառապանքիս լաստը: Թռչուն, մի՛ կտցիր աչքը հիշողության... Երկինքի հրե մուռնչն է ժայթքում սալաքարերից: Անհուն, մի՛ կտցիր աչքը լռության... (Հայր ճամփորդում է երակներով երկնքի, որպես հոգի, այսուհետ՝ ա՛ստղ...): Ես ինձ ընդառաջ եմ գալիս անհայտությունից:

4. Հուշի թևերը մեխվում են պատերին

գիշերախն կրքի: Իմ և իմ միջև... ծաղկել է ծառը-ավերված հիշողության արցունքո՛տ դեմքը... Հայացքների բևեռների միջև կանգնել եմ որպես ծարավ... Իսկ ինչո՞վ լցնել անդունդը հոգու, եթե հայացքս դուրս է թռչում իմ դեմքից որպես խցան: Գրիչը՝ աղոթո՛ղ ձեռք:

Տողը հորիզոնի դեղակարմիր ցողունն է, որի վրա իր բույնն է հյուսում Անհայտությունը:

Ներշնչանքի տարածքից հոսում է աղբյուրը ոգու:

Սահմանից այն կողմ գլորվում է իմ տեսողությունը, որպես գնդակ...

Անհնար է գրել թռիչքի վրա ծիծեռնակների: Հոգու դռներից թևում են հասցեները: Արցունքների ճերմակ աղավնիները կտցում են իմ ափից մեմալության հատիկները դեղին: Հիշողության վաղը աստիճաններին խաղացող մանուկ է... Աստղի ընթացքով ճանապարհորդում եմ, որպես բառ...

Արցունքների թևեր են բառերը, որ ընկնում են հուշի երկաթգծերի վրա... Ակնթարթն է ազատագրվում, որպես զոհասեղան:

5. Սուր քարերի մեջ գտնում եմ իմ դեմքը և լապտերի ցավի: Ես պառկել եմ համբերության լեռան վրա, որ հանգստանա իմ ճանապարհը: Հողի գիշերվա մեջ կայանում է ծնծաղիկը, որպես տեսադաշտն Անհունի: Ես իմ Հեռուն եմ: Անձրևի օրորոցներում բարուրվում են ճանապարհները: Անապատի ծարավն է մրրկում թարթիչներից երկնքի: Այս տողերի հայտնությունը վագրի ցատկ է վառվող օղակի միջով ժամանակի: Հոգուս լուսանցքներում գիշերող ճանապարհները բացվում են շեղքերի վրա հիշողության: Նախնիներիս շնչով արթնանում է բառը: Լույսը տրոփում է հայացքիս զարկերակում: Թափուր պատվանդան է ժամանակը: Ապակուց ցայտող ճառագայթի ծաղիկը հորս հիշատակի խարի՛սխն է (Ափերիս զարկող տարածությունը փոխում է ուղղությունը ճակատագրի):

6. Սովերս պտտվում է անցքի մեջ հիշողության, որպես բանալի (Ես իմ պատանդն եմ): Եվ կայանում է ճանապարհը՝ որպես հիշողության միջանցք (Ես իմ սովերն եմ): Մի ձեռք ջնջել է հրեշտակի թևից հասցեն Հարության (Ես իմ սովերն եմ): Եվ տառապանքը՝ զոհասեղան Ոգու (Ես իմ... անդունդն եմ): Ծնո՞ւնդ է սա, թե՞ ինքնաառեթեսում կշիռներում Անհայտի

(Ես իմ... առեղծվածն եմ): Հավատի արահետը ձգվում է ինչպես հիշատակի լույս... (Ես իմ ճանապարհն եմ):

7. Անհասության կետ: Լույսի հայացքը մասն է հիշողության: Անձանոթուհու ծոցում հալվում է մոնը աղոթքի և լուսավորում իմ ճանապարհը: Մի դուռ է բացվում Դեպի տիեզերական հաղորդակցության պատարագը

(Շնչի՛ր բուրմունքը հեռավորության և աճի՛ր ցավից, որպես լույս): Անդունդից միջև լույս՝ ես իմ հիշատակն եմ:

8. Եվ տիեզերքն է բացվում, որպես ծայնանիշների թագավորություն: Լռության խմբավարությանը ժամանում է Տեսիլը՝ կարմիր վերնաշապիկով: Ձայնի տարերքում Արցախի վա՛ղն է: Եվ հիշողության ստեղծերով սահում է ձեռքը Կամիլայի՝ հանելով խորքից ոգու Հարության թռչուններ... Մանկան քայլերը՝ ցորենի հատիկներ... Քարի և իմ միջև հիշատակի հո՛ղմ է... Եվ Ձաքարի առջև փռված երգի ծո՛վն է... «Մեր շունչը ծաղիկը բացեց սերունդների համար՝ իբրև լո՛ւյս»:

9. Ճախրանքի սահմանները ճոճվում են թևերից Անհունի, որպես զսպանակներ: Մի դուռ է բացվում սահմանի վրա Ոգևորության... Ես իմ... Անհո՛ւնն եմ...



Ճակատագրի անկյունադարձում ՈՐԲԵՐՏ ԵՍԱՅԱՆ

(մերկ է ոգին հողի) կիսվում է օրը, որպես գիրք, իսկ ընթերցողը դեռ բացակա է...

Ոգու ցանկապատի տակով հոսող առուն մի ծաղկաթերթ է տանում հեռուներին. վերածնվող ժամանակի ոսկեթիզ թա՛գը...

10 Բառը կախվել է թևերից ներշնչանքների: Ուր որ է կընկնի լռությունը, որպես... ճահատակ:

Հ.Գ. Ճակատագրի գրատախտակին հրեշտակը գրել է մի բառ: Լույսի հայացքը՝ թռչունի բույն: Եվ միայնակ մի ծիծեռնակ սովերների փողոցներն է ավլում զիզգագած թռիչքներով: Անցյալն ու ներկան նստել են Անձրևների լարի վրա: Հեռվում ծաղկել է սերը, որպես հորիզոնի ձմծաղիկ:

Ես ինձ ընդառաջ եմ գալիս...



ԱՐԵՎՄՏԱՀԱՅԵՐԵՆ ԲԱՆԱՍՏԵՂԾՈՒԹՅՈՒՆ



ԽՈՐԷՆ ԶՅՆՅ ՊԵՐԹԻՉԼԵԱՆ
ՀԱԼԷՊ -ՍՈՒՐԻԱ

ԵՐԲ ԵՍ-Ն Ե ՄԻԱԿ ՆԵՐԿԱՆ

Կայ կոյր եսը, միակ ներկան Այլամերթ, չար, սուտին վկան Մենքը մերժող ամեն վայրկեան Մահացու մեղք, դաժան, գազան:

Կայ խուլ եսը, ինքնահաւան Ինքնահաճոյ, չարադաւան Կրծող քաղցկեղ բարոյական Կործանարար, խաբէական:

Եսն է ներկայ, կեղծական Իր վարմունքով թշնամական Սեփականն է հաճոյական Ընդհանուրին դէմ տեսական:

Եսը փառքի ջերմ սիրական Կեղծ խոնարհ է եւ դերասան Գովք սպասող, խեղճ մուրացկան Աթոռներու թշուառ ծառան:

Եսն է շատեր սայթաքեցան Բարի վարքէն օտարացան Շնորհքներով հպարտացան Վատ ընթացքով մոլորեցան:

Եսով ոմանք սնանկացան Բարեկամներ ալ չունեցան Կեանքով անմիտ, ողբերգական Անմեռ սիրոյ ծարաւ եղան:

Մենքէն մարդիկ անջատուեցան Մենքէն եսին վերադարձան «Ես»-ին եղան տէր տիրական «Մենք»-ին թաղման մասնակցեցան:

Իմս քուկը օրուայ թեման Գարցեր, վեճեր կը բարդանան Ըսի ըսաւ, մենք ժխտական Մեր մեները վեհ դարձաւ աժան:

Եսը ունի տխուր վախճան Երբ մենքն է դուրս՝ երկրորդական Եսերը մեր որբ կը մնան Երբ գանձ ՄԵՆՔԵՆ է ո՛ր բացական:



ԾՈՎԻՆԱՐ ՅՈՎԱԿԻՄԵԱՆ-
ՂԱԶԱՐԵԱՆ
ՓՈՐՂԻԼԵՆՏ, ՄԱՐՏ 18, 2023

ՄԵՐՈՎ ՎՊՐԻՄ՝ ԱՆԵԱՆԱՍ

Խաչիդ դաչիմ, Յաւր ճանչնամ, Մեղքիս ցաւը՝ քեզ խաչ հանող, Անձկութեան քեզ դատապարտող:

Մարմնիդ հայիմ արինաքամ, խոշտանգուած, Առանց Աստուած, ամայացած հոգիդ գտնեն, Անձկութեանդ մէջ խորասուզուիմ, Անձկութեանդ՝ խեղդող, խաւար:

Ամբոխին մէջ ես կորսուած՝ Հասնիմ քեզի, Քղանցքիդ դաչիմ, Ու հպումն ահեղ, հզօր, Եութեամբս ես ցնցուիմ, Մաքրուիմ, բուժուիմ, վերածնիմ:

Շուքիդ հետեւիմ ես անբաժան, Կրնկակոխ քայլս՝ քայլիդ, Օրինակովդ առնիքնուած, Ենթարկուիմ, հնազանդիմ, Դաստիարակուիմ:

Աչքերս հայեացքիդ, Ամբողջ Եութեամբս կեղորոնացած, Հիացնունքով մագնիսացած՝ Գեղիդ դառնամ, ստրկանամ:

Ականջս շշուկիդ, Ձայնդ ճանչնամ, Սուրբ խօսքովդ ես հաղորդուիմ, Իմաստութեամբդ յորդիմ, Խոստովանիմ, բաշխուիմ, նուիրուիմ:

Ծնկաչոք մտնեն Սրբութիւնն Սրբոց, Վերջին շունչիդ հետ պատռուած, Ու Աստուծմէ գիս բաժանած Վարագոյրէն Սուրբ խորանին: Հոն ճաշակեմ քաղցր մարմինդ պատարագուած, Ընկեմ անապակ արհունդ վասն մեր հեղուած, «Ի քաւութիւն եւ ի թողութիւն մեղաց», Ու փառաբանեն, օրհներգեն, Մեծարեն քեզ բազկատարած:

Լոյսիդ ձգտիմ Ու վեր յառնեն, Քեզի հասնիմ ու հաստատուիմ, Սրբութեանդ մէջ թաթախուիմ, Սիրտս՝ սրտիդ, Հոգիս՝ հոգւոյդ, Սէրդ ապրիմ՝ անեմանմ Գոյութեանդ անհունին մէջ լազուր, Եութեանդ կապոյտին մէջ անհուն:

Լոյսիդ ձգտիմ Ու վեր յառնեն, Քեզի հասնիմ ու հաստատուիմ, Սրբութեանդ մէջ թաթախուիմ, Սիրտս՝ սրտիդ, Հոգիս՝ հոգւոյդ, Սէրդ ապրիմ՝ անեմանմ Գոյութեանդ անհունին մէջ լազուր, Եութեանդ կապոյտին մէջ անհուն:



ՀԱՄԲԻԿ ՄԱՐՏԻՐՈՍԵԱՆ
ՊԵՅՐՈՒԹ

ԵՐԱՆԻ ԹԷ...

Հրաշքներու չեն հաւատար... Բայց երանի, օր մը յանկարծ, Աշխարհն ապրէր խաղաղութիւն... Թող վերջ գտնէր քէն ու պայթար...

Սէրդ դառնար վարակիչ բոց... Մարդը ապրէր՝ անհոգ, անխոց... Չարը մոռնար՝ յոռի արարք, Ձիւնը կոչէինք մենք՝ բարեգործ...:

Նախանձ մարդը, ըլլար ազնիւ, Քինախնդիրն մոռնար չարիք... Բարբարոսը դառնար պարկեշտ, Բաշխէր իր շուրջ՝ գութ ու բարիք...:

Գիշատիչը, իսկոյն դառնար, Լոկ ընտանի ու հնազանդ... Իսկ գազաններն յայտնի, վայրագ՝ Չունենային... ժանիք երկար...:

Ազգեր բոլոր, երկինքի տակ, Թող դառնային միշտ հաւասար... Ձօրաւորը յոխորտանքով Ալ չճգմէր տկարն իսպառ...:

Ձենք ու գրահ թող վերնային, Անհետանարանէն սարսափ... Թող երկինքը անձրեւէր սէր... Փակ չմնար ոչ մէկ սահման...:

Արեւի տակ այս երկինքի «Բարեւ» ըսէր՝ մարդը մարդուն, Նոյն վայրկեանին թող հրաշքով՝ Բացուէր ամեն դարպաս ու դուռ...:

Ամեն տունէ ներս թող ցնծար, Ուրախութիւն, հրճուանք հագար... Ու աշխարհի մանուկներուն Բարօրութեան յոյսը ժպտար...:

Ու ամեն տան ճոխ սեղանին, Յորդէր գինին... երգ ու տաղով... Իսկ Աստուծոյ օրհնութիւնը, Ողջ մարդկութեան նշխար դառնար:

Կոչնակներէն միշտ յաղթօրէն, Խաղաղութեան ծայն դօղանջէր... Եւ աչքերէն վար մայրերուն, Երջանկութեան արցունք թափէր...:

Չեն հաւատար հրաշքներու... Երանի թէ ես սխալիմ... Տեսնեն աշխարհն մեր խաղաղած... Տեսնեն մարդը՝ ես ՄԱՐԴԱՍԱԾ...:



ՄԱՐԻԱՆԱ ՊԵՐԹԻՉԼԵԱՆ-
ՂԱԶԱՐԵԱՆ

ՁԱՅՆ ՏՈՒՐ ԾԱՌ

ՍՐԲԱՅՈՒԹ ՏԱՐԱԾՔ

Պեղեցի գաղտնարանները Ընդերքներու թաքուն Մաշկիդ ցաւոտ սպիներուն տակ Ուր դատարկ շտեմարաններուդ Սերմերը կը փտտին Բը խամրին կաղօտին Բռնկումները երկրախորքերուդ Որոնք վերապահուած էին մի-միայն մեզի Միասին ըմպելու Խնկաբոյր գինիդ արբունքի Ու այնտեղ հողի կոշտացած ու ոսկրացած շերտերուն տակ Ուր ցաւ կայ ամենուր... Չբացատրուող

Չվերծանուած բառերով Բարոյութաւորուած Եւ իմ ներսիդին եւ ամեն շունչի

Պահուած է սիրտը պապիկիս Բոլոր խեղճացած մարդոց սրտերուն հետ Թանկարժէք մասունքներու սա-փորին մէջ՝ Պապենական տան դրան շեմին տակ, Ուր ես եւս այժմ պոկեցի Եւ պահեցի սիրտը իմ արհմլուայ Ուրքերուդ տակ Ընդհատակեայ դամբարաններուդ մէջ

Ամայի ճամբաներուդ ծալքերուն Ուր կասեցուած տօնախմբութիւն-ներու աղաղակներ Դեռ կ'արծազանքեն: Ես մերթ ընդ մերթ Կու գամ գիշերելու Պալատներուդ բնակարաններուդ խորքերը

Աչքերի հեռու, սրտիդ մօտիկ իշխանագուններուդ հետ... Եւ ամեն օր կը լուամ մեր երկուքին սրտերն ու Միասնութեան կապը Մոռացութեան փոշիներէն:

Պուն կը խոստանաս գիս առանձին տանիլ Դաշտը արծակ Խօսելու հետս լայնատարած Եփրատի գետեզերքին Ձիս մկրտելու կոհակներուն հետ Մահուան հաղորդութիւնը ցոյց տալու Դահիճներու ոտնահետքերով լի ափերուն վրայ:

Եւ ես կը հասկնամ թէ դուն հոն ես, այդ ալիքներուն մէջ, Եւ երբ բոլոր ջուրերը յորդին Ետքը խաղաղի հեղեղը Միանալով իր պատկանած ովկիանոսին Արմատները որթերու նռնեմիներուդ Կը ճիւղաւորուին Հողդ եւ ջուրերդ կը ներկուին Ո՛չ որդան կարմիրով գինիի գոյ-նով Կամ նռնեմիի կենարար հիւթով: Սրբացուած արեան կարմիր շի-ճուկով կարմիր ալիշով կը ծաղկի սերմը Սպասուած սիրոյ Եւ ոչ վատնումի Կը սրբացուի հողդ իր նշխարներով եւ աճիւններով Ապրող շունչներով ժամանակի մը մէջ, անպայման Որ կու գայ սրընթաց հեռուներէն Որ հիմա ալ է Արմաւենիի տերեւներուն ճարճատիւնը յստակ կը լսուի Անապատի խորքերէն Երաններու եւ թեւաւորներու նման կը թափահարին ճիւղերն Ու ոգեղէններուդ թելերը Ազատութեամբ կը ծածանին Երկինքը շարժելով Նռնեմիներու ծաղկած ծաղիկներ, որ սպիացած ցաւ ունին իրենց մէջ մարմնիդ վրայ, կոծ ունին... Յանկարծ կը յորդին հատիկներով կը ճաքին ուրախութենէն իրենց Սէզ ճիւղեր փռուած, ցիր ու ցան, գետի մակերեսին Պոկուած կոծղեր արմատախիլ Կը տարուբերին... Բայց կ'աղաղ-կեն

Պոկուած կոծղեր արմատախիլ Կը տարուբերին... Բայց կ'աղաղկեն Կը ծփան նորոգուած եղեմին հետ կազդուրող Որ զարդարեն խորաններդ կիսամերկ: Եւ գիտե՛ս միլիոնաւոր հայ մանուկներ Լոյս աշխարհի չեկան Որովհետեւ չար բնազդներով տառապող Մարդու կերպարով անասնադէմ էակներ Լռեցնել փորձեցին կանչը անոնց՝ Անհետացնելով արմատները, Այդ մանուկները լուսաշող ճերմակ փետուրներով կը վերադառնան... Կը ծնին ջուրէն Չայները անոնց Վերանորոգ կոհակներուն ընդմէջ-ջէն կը մօտենան, Կը շնջան ինչ-որ բան ու կ'երթան Վերադառնալով իրենց ձեռքերուն Փակուած դռներուդ բանալիները Տուններուն, որոնց շաղախը չի թափիր երբեք Բանալու պղծուած տաճարներուդ դռները...

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

Լոյսին ժպտացող լուսերեսները Նռնեմիի ծաղիկներով զարդարուած Հիւթովը աճած Սնած ջերմութեամբ ու զօրութեամբ Կը սկսին երգել Եւ փառաբանել Իսկ քու զօրութեան ձեռքդ Կը հովանաւորէ գանոնք:

ԽԱԶԻԿ ՏԵՐ ՂՈՒԿԱՍԵԱՆ
ՊՈՒԼՈՍ ԱՅՐԵՍ

«ՍՓԻՌՔԱՅԱՅ ԸԼԼԱԼ ՍԸ ԿԱՅ...» ՎԱՂԷ ՕՇԱԿԱՆ

Ոչ մեկնումին է, ոչ ալ ժամանան ճանաչումը ինքնութեանդ, այլ՝ շարժումին մէջ յաւերժ «քաղաքէ մ'ուրիշ քաղաքի միջև»:

Քեզ ընդունող չկայ, ոչ ալ ճամբու դնող, ոչ բարի գալուստ, ոչ ողջերթ, ոչ ոք կ'ընկերակցի քեզ, ուղեցոյց չունիս, չկայ կայարան, կանգառ միայն, չկայ սկիզբ, միայն միջոց, ուր կեանքը օրէնք է դաժան, մահը՝ ոչ իմացեալ, անմահութիւնն՝ անիմաստ:

Էջը կազմեց
Նուրե ՆԻԿՈՂՈՍՅԱՆԸ

Հրատարակված է ՀՀ ԿԳՄՍ նախարարության աջակցությամբ:

<p>Լրատվական գործունեությունն իրականացնող Հայաստանի գրողների միության Շիրակի մարզային մասնաճյուղ: Հասցեն՝ Շիրակի մարզ, Գյումրի, Գորկու 62 Վկայական N 01Բ 001543</p>	<p>տրված է 21.03.2005թ. հեռ. (094) 53 44 64 խմբագրական խորհուրդ Գլխավոր խմբագիր՝ Ռոզա Հովհաննիսյան</p>	<p>Համակարգչային ձևավորումը՝ «Էլտորադո Պրինտ» ՍՊԸ Տպագրված է «Վան Արյան» հրատարակչատան տպարանում Տպաքանակը՝ 500 Ծավալը՝ 2 տպագրական մամուլ</p>
---	--	--